

夢

林

玄

解

夢林玄解卷之二十一

夢占

珍玩部

金銀

珠玉

錢鐵

珍寶

○○○金銀

金光燦爛

大吉

占日

金曰從革。五行之一。地四生金。天九成之。其色有  
高下。紫赤爲貴。黃者次之。青者又次之。其光焰煥  
發。射人奪目。夢此者。文士姓名顯揚。武人爵位高  
遷。功名赫奕。威光燦爛。之兆也。但疾病反覆。獄訟  
刑傷。此外有志必成。無往不利。○夢銕金者。事有  
更端。不出範圍。夢堆金者。官上加官。富而益富。兒  
孫子女。俱爲佳器。夢敲金者。文韻鏗鏘。聲價高貴。  
夢得蒜條金者。每事條達。年壽益算。夢麩皮金者。  
百凡有益。尚須磨煉。夢煉金者。事不厭精。求謀遂  
意。夢送金來。刑尅事至。夢失金者。主財利散去。訟

者罪釋病者得愈夢金箔者性體輕揚凡事須防有飄泊之危

紫磨金

占 紫磨金謂之楊邁金范邁母夢人鋪楊邁金席與已生兒見生席色昭昭後生子名曰邁為林邑

馬蹄金

京師兵士闕喜以賣果為業宜和二年六月喜賣瓜于東水門外汴堤叢柳間所坐處去人居百步午暑方盛柳陰尤茂因少憩焉夢中若聞木杪呼小兒繼有應者呼者曰物在否應者曰在如是再三覺來仰視一無所覩惧不自安欲歸而妻饋食適至具以語之妻曰老人腹虛耳鳴妄聞耳明日復如前妻曰伺其時應答聲畢遽曰既在何不出示喜如妻言果于樹間擲金百十顆四顧無人至拾置瓜籃中見形製甚異不識何物妻適饋食復至曰此馬蹄金也以所坐敗簾覆蓋瓜籃共昇而歸僅行百步重不能勝暫寄張家茶肆出募擔脚挈取張討其倉皇發籃見物悉以瓦礫易之喜夫

婦不復聞。視及家始覺。妻曰。姑勿言。明當復用前策。尚可得也。泊坐樹下。一無所聞。乃效其呼小兒。復應曰。諾。割曰。再以昨日之物來。曰。亡矣。問何故。曰。已頌汝送與張氏矣。喜將訟于官。妻曰。鬼神不與。雖訴何益。盡謀諸張氏。張氏曰。物已歸我。汝老而無子。多貴亦何爲。館于吾門。畢此一世可也。喜乃止。

### 金鈴

梁任昉母裴氏。夢旌角懸金鈴。一鈴落人懷中。遂有娠。生昉。八歲能屬文。仕爲御出中丞。

### 金盛

吉

占  
盛有魁首之義。頂戴之物。夢此者。謀望不疾不龜。自然恰中。商賈作班頭。文章爲魁首。姻親雖佳。但恐非匹。欲求失脫。其物竟成烏有矣。

### 金爵

吉

占 此兆。文人夢之。爵位高遷。名書桂籍。武士夢之。財  
欲蓋世。影查龍樓。人若僥至。越人班次。若以遺人。  
日 須防落職。見之于家。吉事。  
到家。見之于外。謀望可待。

金匱

貞吉  
否凶

占 匱者。乏也。夢之者。財氣耗竭。如匱中有金。則為士  
日 人之資。藏器而動。應在庚辛申酉年月。求謀得濟。

金牌懸掛 凶

占 夢此當有緊急之事。必主大人號召。志  
日 士遇之。而扼腕。勇士值之。而喪氣者。

金帶 吉

占 金帶。命服之飾。四品以上得束焉。夢此者。其占不  
日 同。仕宦夢之。位登顯要。文天夢之。腰金有日。武士  
夢之。邊疆重鎮。有刀兵圍里。商賈夢之。價倍腰纏。  
病者夢之。束定主腰損之災。婦女夢之。當是血崩之  
症。婚姻夢之。得良緣。孕婦夢之。生貴子。爭訟者夢  
之。被人拘繫。失物者夢之。其物未散。猶可追尋。夢

繫于身者官事至。夢與人繫者喜事去。夢手內持帶。年壽永遠。子孫榮貴。夢銀帶者無不利。

### 金鼎 吉

占 此夢為革故鼎新。三分鼎足之兆。夢之者百事宜思建立。不可因人成事。懷孕者夢之必生男。當是廟堂佳器。日後自然煥發。

### 大金鐘 吉

占 聲聞天壤。食享天祿之兆。凡事不鳴則已。鳴則人鬼皆驚。但金聲為始條理。靡不有初。鮮克有終。夢此必慎終如始。方為大吉。惟病人不宜。無聲主凶。鐘鳴亦非吉兆。

### 金剛鑽 吉

占 金玉堅剛至銳。鑽者於無隙處尋隙。無所不入。人能堅心銳志。而又濟以研窮之力。天下何事不精透。所謂有志者事竟成也。夢之豈不為吉。

金丹 吉

占 夢此者。凡事工力已到。火候已足。濟人利物。功成名遂之象。夢吞者。恩業頓生。知覺聰慧。反若迷途。產育臨盆有慶。疾病勿藥有喜。

金彈丸 吉

占 此不惜費。用度奢侈之象也。富者夢之。樂施與貧者夢之。得周濟。久別夢之。必主旦暮會合。懷孕。之當生奇異兒郎。

金仙 貞吉

占 此兆。凡事當急為猛省。不失機會。祇恐光陰過。時日不再。金者西方之形色。仙者仙遊之景象。吉人為善。惟日不足可也。

丈六金身 吉

占日

此兆者其人必慈祥愷悌仁心仁聞胸中不事虛  
華不設城府度量包含徧覆功德彌天亘地立志  
精修虛心問道乃是無上正等正覺非復見相色  
莊貌恭之比機緣甚深福報甚大因無我相舉止  
無不稱心惟其能仁  
動靜皆能得體大吉

金冠

吉

占日

金乃天地之精華乾坤之靈秀人間至貴經劫不  
磨冠為首服圓覆象天其義更大又以束髮而不  
使亂再以裝飾而儼威儀士子夢之功名唾手仕  
官此此入則絲綸黃閣出則掌握元戎商賈經營  
得貴萬倍若欲遨遊四海或隱逸山  
林則不能遂其志蓋以受被制束也  
清宵熟寐夢金冠此兆休將碌碌看鳳闕承恩春  
色蚤雞聲待漏曙光寒庶人動靜皆成吉眷屬諸  
和總屬懽偏喜世途名  
利客豈宜幽隱通林巒

又占

金魚

吉



金貌

占 金角乃古昔高爵大貴之所佩服也。又中今時服幣中之禮物其品也貴而不賤其禮也偶而不奇。

日 凡人夢之。主享榮華諸仇。惟病者不宜夢之。如酒轍之甜生。幾絕也。

又 高官尊爵。履掛金魚。與幣聯盟。禮重于朝。孕懷夢此子。生瑤璣。既利行動。復利居諸。

占 華屋春深。金貌香噴。此景象之富貴者也。煙銷寶篆。銀漢參橫。此又景象之閑靜富麗中之寂寞者也。夢中之况。想其濃。

日 淡以定。吉凶可耳。

又 沉檀初焚。噴金貌兆。分泥金喜報奇。

占 寶鼎煙銷。蘭麝冷。豈堪名利兩相宜。

金貂

貞吉

占 金貂乃閭者所戴之飾也。若夢之。主陰長陽消。小人眾。君子獨。必脩身謹行。毋溺于女色。受逆耳忠告之諫。百凡可以挽禍為福也。

日

金釵

又占 倦來假寐夢金釵。陰道將盈陽道消。惟在吾人修德業。轉旋大造荷鈞陶。

占

金釵。女子之飾也。女子好也。釵必借偶。成雙之兆也。又婚禮之所必需。一定不移之徵也。占之為夫婦。諸老古慶相逢。僧尼夢之。恐有還俗歸宗之事。

又占

昨宵清睡夢金釵。目下應知好事諧。若在僧尼為不稱。肯將春惡閉空齋。

金銀

凶

占

金銀耳墜也。脚有屈曲之形。物為懸綴之飾。夢之者。主事多勾連。達中心不正之人。謀為不實。言出

日

虛矯之詐。

又占

金銀耳飾夢中逢。隔面猶如千里同。作事還憂難轉合。却因咫尺各西東。

金鈿

不利

占 金銀者印花掛簾。又如秤月之形。夢此恐頭緒繁  
多。心思不一。志念未能滿足。平生不得舒懷。且生

曰 已待時自  
然獲福。

占 又 金銀子形。巧樣。被却於夢裏。關春光。  
祇緣世事多繁冗。魂魄還依幻處狂。

金杯 吉

占 金杯。乃綺筵。醉勸。滿泛。瑤漿。士子夢之。主賜宴瓊  
林。老人夢之。主稱觴。捧壽。未娶者。佳姻。天與。合登

日 風流。未嗣者。誕育。祥麟。孔釋。抱送。  
更喜。執持。把柄。尤宜。謀望。經營。

占 又 夢中喜得。捧金杯。占此。須防。樂變哀。  
持滿。虞登。天所忌。善為。消息。預培。栽。

金磬 不利

其形。中空。其聲。清遠。禪林。道院。每擊之。以按梵樂。  
仙音。竹几。松牕。靜聽之。以澄心。淨慮。凡夢此者。非  
塵囂。俗輩。乃世外。風流。但商賈。求財。經營。  
務業。不宜。夢此。恐室如。懸磬。貧乏之應也。

又占 一盤金器。韻德揚月。潤屈松。賴共長。白。是一般清趣味。却來夢裏。豈尋常。

金盤 大吉

占 金盤承露。昔漢武宮中事也。金貴美。無重之物。盤圓。圓相合之器。夢得此兆者。文火主登甲第。沾渥承恩。庶人家道豐隆。人丁和順。商賈資財積聚。僧道悟法。丹成未娶者。主有佳人配偶。懷孕者。定生俊秀兒郎。惟獄訟沾身者。未能脫白。

又占 夢中恍惚。見金盤。閃爍光芒。勝氣寒。固是貴徵。佳兆。斯人他日侍金鑾。

金瓶 貞利

占 金瓶。乃瑤華之器也。或以盛酒漿。或以供花。而常滿而不洩。貯之。續戶華堂。列之。綺筵。凡密。但有口無足。有耳無目。此兆。恐富貴中之不足。獲吉。密中起怨疎。凡事在人。改國不可恃。其全美自然。

又夜得金瓶夢。寤來豈是真。占美中防不足。恐內有恩人。

金毬吉

占金毬。為重墜。毬乃圓轉。凡夢得此兆者。他日呼墜。大任而得活。變之機。目下只要守正持身。待時發。士子文思如流。商賈生涯轉轂。婚姻得智慧之女。病人遇明了之醫。昨宵一夢。是金毬。天付機緣。豈用求。目下運通如轉轂。從前湮鬱不須憂。

金針吉

占金針。有按穴施藥之功。撥雲明目之用。拈來情。秋閨少婦。有餘思。密線牢縫。慈母倚閭頻盼。望得此夢者。平生未遇。將有奇逢。病久不痊。將逢醫聖。商賈利于遊遠。行人尚見遲遲。功名考試。主司知針芥相投。

又夜來夢得見金針。針芥相投。契合深。久困未遭興。永歎於今。將以遇知音。

金鈞利

占 朱簾高捲翠幃低張不藉金鈞安能明觀萬壑  
之者主交人開心領慧學業懷昧者忽爾開悟  
官燭幽洞隱民情蔽匿者厥其奸究  
日 常人時運方亨利源通達行人有阻  
又 金鈞高捲芙蓉帳文章事業雲霄上  
占 一夢醒回萬事亨卷舒在手憑快放

金甲吉

占 尤芒炫曜性質堅剛冒矢石以無前衝鋒刃而秋  
後凡夢此兆當為守志不屈之人則雖遇強梁自  
日 能退伏

又 金甲光芒夢裏披秋霜豈待曉風吹  
占 堅排一點葵心赤滅虜降胡事果奇

金鐸貞利

金口木舌施政執時得此夢者居官政令大施風  
行草偃聲教四達國治民安儒者名譽日聞遠近

占 仰服。九流術業大行。惟齋本商賈之人。不宜夢此。以取聲不取實。名多而實少也。木命人有病。若

此夢。為不起之疾。以金口

木舌。乃是金木相尅之義。木鐸。又名金鐸。天將夫子施為文章事業。果稱其

又 價重連城無比。○惟利九流等輩。難教商賈識其

### 金絡索 吉

占 寶珠。嬰珞。結串成行。色相莊嚴。一塵不染。夢此光

日 墨清高。商賈錢財萬貫。未娶者。有女端潔求婚。

又 黃金絡索成行。列宮宮裝飾垂。曾結此夢。應知兆不凡。人和更得中心悅。

### 金勒 貞吉

占 勒馬銜也。金馬勒。即白馬嚼齧黃金勒。乃淫佚。奮樂極悲生之象。凡夢得此兆。須愈加省約。不可

日 恣肆妄為，則仍有控馭之力，可以服  
火，可以壓衆，不然，便有奇禍至矣。  
占 又 金銜玉轡，馬聲嘶，好向春風踏翠堤。  
淫佚夢回，能飛傲，何愁林外鷓鴣啼。

金牛 吉

占 秦惠王欲伐蜀，置五金牛，用金于後，蜀人以牛便  
金，故謂之金牛。蜀主使五丁力士鑿山取牛，秦遂  
日 伐蜀，凡夢此兆，有國者可以并吞土地，士  
庶可以增益家業。然必守身持正可也。  
又 夢中忽忽見金牛，牛土生金，兆正優  
占 創業恢基，弘壯志，春花秋月任遨遊。

金闕

金殿

同占

大吉

一為天上玉帝之庭，一為人間至尊之宅。凡夢此  
兆者，士人主承恩，入侍天顏，常人主財利興隆。  
日 家門發達，一切皆  
吉，惟病者不利。

又 若人夢裏朝金闕，光明燦爛如秋月。  
占 士人平步上青霄，經營利比春潮發。



還金

貞利

張仲淳有商投宿。因病而卒。行裝有金十兩。乃遣人召其妻護屍持金而歸。又甄彬嘗以苧質人及贖。中有金五兩。送還。人問故。乃曰。五月披蓑負簞。豈有餘金。今若夢此兆。雖云失利。能行善事。修陰德。仍可返凶還吉也。

償金

吉

前漢直不疑爲郎。有誤持同舍郎金去。意不疑。遂買金償之。後歸者返金。郎大慙。稱爲長者。夢償金者。當失而復得。凡事先曲後順也。

得金

貞利

孟頫養親不憚辛苦。後掘地得金。家致巨富。又郭巨至孝。生子三歲。母嘗減食與之。乃掘坑埋兒。忽見黃金一釜。得此夢者。爲大不利。然力行孝道。曲爲脩省。則能變凶成吉。

却金 吉

占 李郡君有賢德。嘗有貨珠于老嫗。至第。既去。遺珠在地。郡君得而還之。老嫗感贈黃金六兩。郡君却而不受。此兆主有失中復得。先難後易之徵也。

賜金 吉

占 唐太宗太子好嬉戲。于志寶數諫之。太宗嘉其直。賜黃金十兩。夢得賜金者。當有殊遇。士子承恩。經營獲利。然秋冬夢之。大吉。若春夏為不佳。

散金 吉

占 魏廣為太子太傅。乞歸。上賜黃金千兩。日與其宗族鄉里流連宴樂。散廢金帛。不欲遺子孫之憂。若夢揮散金帛。家道安寧。若國君乃散財得民之兆也。

埋金

金銀

金銀

占

夢占

占

金為寶。光華之物。若夢埋藏。士子未能發揚。能疎通暢茂。方得濟事。商賈主路途遲滯。幸無盜賊之虞。婚姻成合而美。娠孕生子而佳。病亦無妨。以金為西方之白虎。白虎張牙。喪亡立見。今得土之埋藏。以遏其兇。猛得得之勢。故不至于囓人害命也。

占

金是人間至寶。宜土內埋藏。土人未得顯文光。難遂雄心。雄志壯。○守靜安常。處順還期。氣運亨昌。病人雖重也。無妨。木旺春榮。敷暢。

鎔金

吉

占

凡夢此兆。主學業日進。頑鈍日開。查滓漸消。情純漸見。出家之輩。悟道圓成。常人若有離怨。向來結構。今得解釋。

分金

吉

占 昔管鮑分金。此夢主得相契之友。有益於已。其  
遇直諒多聞。有過則諫。道義相勉。常人逢豪俠仗  
義。患難相扶。不惜貲費。不拘  
日 男女夢之。當有好姻至也。

### 堆金如山

占 此兆主詞職學官之徵。文人當為大儒。經營定為  
日 巨室。若有光焰上冲者。聲振宇內。若光焰銷沉者。  
反有疾病  
喪亡之憂

### 金沙布地 凶

占 黃金鋪地。為西方勝境之象。雖曰莊嚴富貴。以吾  
日 東土論之。實涉玄虛。若得此兆者。恐作事未能遂  
意。圖謀未得稱心  
病有西歸之慮  
又 夜來夢見金鋪地。恍似蓮花世界中。  
占 若悟無為真實相。方知幻影盡歸空。

### 鑒金作塔 大吉

夢占

金銀

一

夢占

占 階級也。以金變之。如士子之文章。日富而貴。帝王以漸而進。階級也。上吉之夢。即常人亦得此。

日 計日降。以漸而進。其基業也。事事如意。更能修德。以應其占。無不為美。

又 夜夢焚金階。文光映奎台。鳳鳴昇旭日。魚躍動春雷。

冶金成器 吉

占 此兆。主士農工商。三教九流。隨其才力。無不為佳。但必各盡其心。竭力鑽研。則名得成。利得就。立身

日 於世。為有用之材。庶幾不負斯夢也。

又 夜夢黃金在爐冶。鑄成彝鼎。古而雅。盡力精心。具妙材。庶無辜負佳徵也。

點鐵成金 吉

占 使頑鐵變為精金。此得神仙點化之術也。士人夢此。當遇明師。如坐春風。化雨之中。必成大器。尤流

日 商賈。夢之。亦皆轉鈍為利。變惡為美。

又點鐵成金夢亦奇。春風化雨荷明師。  
占魚龍鳥鳳飛騰會。凡冲靈芝變化時。

磨金作屑 利

占此兆乃垢滓淨而光明見。士子宜自淬礪。當有進身之日。凡事在人切磋自勉。則名得成。利得就。

金既大吉

占皇圖鞏固。海宇咸寧之兆也。夢斟酒堂前者。子孫衆多之象。夢把玩掌中。喜樂安康之景。若見傷殘。乃爲不祥。

金印累累 吉

占此大臣相天子。財後所懸者也。夢此爲大貴。位兼將相。合掌軍民。常人夢之。亦有執持。凡事有把握。

金鳳大吉

占漢宣帝賜霍光皂蓋車。車中金鳳亡去。廣君作于北山羅得一金鳳。謂關康之。俄又飛入沈家。今夢

日

光此亦富貴  
榮盛之徵

金龜

五代時劉贊文思遲乃麟乾象乞文才一夕夢吞  
小金龜自後大有文思後夢吐金龜投水中不人  
卒而

金鳥

吉

占

昏暮時來窗閣中百年心事一宵同  
寒雞鼓翼紗窓外睡覺東軒日已紅  
永康王曉非上有一洗石時見赤氣後有二胡人  
寄宿忽求買之未及度錢子婦孫氏夢二黃鳥  
于石上明晨起視果見黃鳥相集急往掩取變成  
黃金胡人不知索市益急既得撞破石內空段有  
二鳥處

蛇化金

孔子夢豐沛市。有赤龍起。見赤蛇化為黃金。上有文曰卯金刀。後漢高起豐沛。

### 金化土

秦王夢與蜀王會獵于褒谷。蜀王以金一筭遺秦王。王盡化為土。秦王覺。甚為不樂。臣下拜賀曰。土地也。今秦當得蜀矣。後果然。

### 淘金

占曰。淘而得之。謀望雖有。不免費力。夢此者。求名淹滯。問利細微。子必家中有貴。

### 持金

劉漢宏為董昌所囚。臨刑叱曰。我節度使。非庸人可殺。我嘗夢持金。若殺我者。其錢鏤乎。昌乃命銀之。

### 得假金



占 凡夢此者。如鑒金。鑒金等物。有虛飾而無實補。凡事宜因。仍難以改革之兆也。不論是多是寡。或大或小。總之。不得貪圖妄想。

債金 凶

占 金為財貨。又主刑傷。夢人索金而已。債之者。平常失利。獄訟得脫。主他人受刑之兆。

銀 否 貞吉 否凶

占 銀從艮。艮有止不動之意。分毫假借不得之兆也。夢中見之。反非吉占。一毫一忽。不得妄貪。如非所為而為之。不但傷却天理。背乎人情。將自己現前之福。盡淨消折。異日方且酬償他債。百千萬劫。何時得清。求而得之。尚且不可。何況求之而不得也。宜審哉。○夢銀有把握在手。諸事遲滯。夢見低銀。行事虛偽。夢散碎銀兩。求謀隨手遇欺。頭頭被盜。夢見元寶。文章廢氣。夢見銀銀。出軍與賭賽。必主我贏。夢見半截銀。老病爭訟者。俱為不祥。又有夢銀得銀者。尤性夢也。難以例占。

黃銀

天台有人姓王。嘗祭廟神。一夕夢黃衣女子。至廟  
廟神也。君問螻蛄言否。于懷中取小盒子。以指  
少青。塗其入右耳下。戒之曰。或見螻蛄子。則耳聾之  
必有所得。明旦見柱礎下。羣螻蛄紛紛。聽之。果聞相  
語云。移穴去。暖處。傍有問之何故。乃云。其下有寶  
甚寒。住不安。其人伺螻蛄出。訖。尋之。獲白金十錠。

吉

占

銀有黃色者。似金而非金也。為器能辟  
除邪惡。凡見於夢。主光輝祥瑞之兆。

銀餅

凶

占

并瘳而成。雖經煅煉。未入範圍。士人夢  
此。為有質而無文。可觀之象。考試不刊  
林水源裏有室。室前磐石上列羅十盆。中悉是銀  
餅。採伐者遇之。不得取。取必昏悶。晉太元初。民家  
僕竊三餅歸。發視。有大蛇蟄之而死。民夜夢。見  
語曰。君奴不謹。盜銀三餅。即日顯戮。及旦視之。成  
死而銀在。識此。則非  
分之才。不可妄貪矣。

銀燈 吉

占 光明之象。凡夢之者。行事不暗昧。得人照顧。士人夢此。學業有進。女子夢此。閨房久寂。

銀鈎 凶

占 張子原少有異才。多異夢。嘗作夢錄。記夢中詩曰。楚峽巫嬌宋玉愁。月明漢淨即銀鈎。襄王定是思前夢。又抱霞衣上玉樓。○夢此恐有勾引之意。私情有緣。有勾攝之兆。不吉。

銀硯 大吉

占 出自金山。用於記室。文房之重寶也。士子夢之。文字成珠璣。功名易如反掌。仕宦夢之。官品至銀臺。爵祿久得榮身。

銀甲 吉

占 此夢。甲為木。木有疏通之意。甲屬陽。陽有暢達之機。况甲乃十干之首。求名當在第一。占孕所生然

曰男訟宜忍辱病亦無妨○夢披于身者戰必勝  
夢受于人者得護衛○銀甲主吉金甲主凶

銀盒吉

占夢此人事和同英賢契合之兆所作所為因緣相  
轉我不同人來歸附心字意契志同道合之象  
曰也凡事皆吉

人授銀筋吉

占夢此者毒不能侵害可以解筋有輔助之意作事  
定有人贊相得道者多助也求名問利姻親產業  
曰便有到手到口之妙或得耳孫之力  
或作副席之客或有空舍為我居

銀盃雙飛至凶

占盃字從不即非字之美盃者悲也夢之者一悲  
未已一悲復來傳于左則左哀傷傳于右則右啼  
泣口內啣者其凶更甚  
曰不止一口舌之災而已

銀碗 吉

占 夢此者。作事婉轉。有舒泰之意。無瑣碎之景。各  
兩全之象也。婚姻得婉變之淑女。子嗣得和婉之

日 佳兒

銀壺 吉

占 岩前流水無人渡。洞口碧桃花正開。  
東望蓬萊三萬里。等閒歸去等閒來。

得銀錢 吉

占 夢此者。有長命富貴之兆。將帥出征。三  
箭可以立功。商賈經營。一文可以致富。

銀剪

占 貞吉 否凶

占 二字之義。山前用金刀也。居家夢  
此。防有寇盜。出征夢此。得減賊徒。

銀瓶 凶

占 夢此者財散失利之兆。瓶與貧字同音。人  
日 可使之貧乎。人而貧財用不足矣。不吉。

### 銀瓜 吉

占 此兆。明明示人以剖割分析處也。夢之者宜將財  
日 物剖分。調適人情。無私曲。無偏向。則能轉禍為福。

### 銀項簪 吉

占 夢此者少年心性。簪束不可不嚴。若稍放逸縱恣  
失錯。便在眼前。雖悔何及。直待年富力強。方為得  
意。方可釋念。大器晚成。黃花  
晚發之象也。末野榮華。故吉。

### 銀挑牙 凶

占 此夢一見。凡事當審口。不可妄  
日 言。骨肉之間。恐有傷殘之兆。

### 銀包

貞吉  
否凶

占 病人夢之。決能立起。訟者夢之。勝無他處。遷居夢  
之急難移動。又人夢此。不得遂志。銀屬艮。艮止不

銀窖

日 動。况又包之哉。商賈夢之。雖不  
大發。保無失脫。產者夢之。得男。

銀礦 吉

日 占 此夢示人以藏不許人露。藏則善聚機。  
深。災輕禍淺。露則顯暴昭著。禍大害深。

日 占 此兆為生生不已。化化無窮之象。財源涓涓。  
滾。家業興隆發達。惟老者病者。夢此為不祥。

珠子

日 占 夢珠者。為秀媚。為圓澤。為光華。為潔白。為圓轉。聲  
價貴重。姿質非凡。富貴有緣。貧窮不遇。巨室夢之。  
兒孫出類。士人夢之。文字超羣。求利名者。夢之。旺  
相當在末年。或未運。病人夢之。難愈。囚者夢之。受  
刑。貧窮者夢之。事事支離。婦人夢之。必得佳婿。生  
產夢之。必得賢能之子。夢珠圓者。事必亨通。大面

白者求謀欣遂大而黃者遭刑細而聯者泣淚

### 五色珠 大吉

占 樂史宜黃人母夢異人授五色珠而生史力學有文爲南唐進士第一入宋復登甲科累官兩浙巡使

### 走盤珠 吉

占 夢得此者具通權達變之才而一生奔走不停所喜者圓轉流動莫爲阻抑各資兩全之象也大吉

### 照乘珠 大吉

占 光輝發越顯達榮施之光夢此者事業光前耀後文章泣鬼驚神貨利日新月盛聲名昌熾光亨

### 定風珠

占 是夢也行人信未至乘舟風有阻文士得之名譽不振武臣得之威令不行惟孕婦夢之坐草無虞



夜明珠

許遜字敬之。號真君。南昌人。吳赤烏二年。母夢金  
屑。銜夜明珠。墜于掌上。而吞之。因是有孕而生。  
真君少小疎通。與物無忤。嘗從獵。射一鹿。鹿中之  
而驚。鹿母皇顧。欲之。因感悟。折棄弓矢。剋意為學。  
博通經史。尤嗜神仙修煉之術。聞西安吳猛得下  
義神方。乃往師之。悉受其秘。日以修煉為事。晉太  
康元年。舉孝廉。辟為旌陽縣令。歲飢。民無以輸。真  
君乃以靈丹。散陳成金。潛瘞于縣圖。一日籍民之  
未輸者。使服力于圖。鋪地得金。用以輸納。民情遂得安堵。  
西子母。居若邪溪。機織。夢得明珠。其光射體。感  
而有孕。遂生西子。後遇范蠡。亦以明珠贈聘。

徑寸珠吉

占 此夢求名當發達。求嗣生大貴。文臣夢之。元輔可  
望。武將夢之。強敵可殲。尋常夢之。知遇有日。得本  
日 款待。夢吞于腹者。文章蓋世。若還人者。隱姓埋名。

牟尼珠

占 兆此者作事有影無形。視之不見。聽之不聞。不在內。不在外。非語言可求。非捉摸可得。非具十分智慧。不能合下承當。茫無畔援。難着不得。夢之而生子。當令披剃受記。

九曲珠 大吉

占 夢得此珠。又心濟哲。有超凡入聖之機。才智通神。有經天緯地之業。非常之瑞徵也。

火珠

占 夢此者。疾病當有火症。家宅當有火災。惟文士夢之。乃為夾輔陽光之兆。

蚌珠 凶

占 有名無實之象。夢之者。生子秀而不貴。為商勞而少利。居官卑而未顯。出家苦而無成。凡事不吉。

明珠羅漢

羅漢本名難生。後值伏獸尊者執侍左右。嘗瞻  
 謂脇不至席。遂獲脇尊者焉。將誕時。父夢一白象  
 背有寶座。座上安一明珠。從門而入。光照  
 四眾。既覺遂生。後受法行化至華氏國。  
 二十四祖母夢吞明珠而孕。一羅漢曰。當生  
 二子。一即祖。一即舅尼。昔如來在雪山脩道。得尼  
 果於頂上。佛成道。舅  
 尼受報為那提國王。

珠冠 吉

命婦之首飾也。士人夢之妻必貴。女子夢之夫必  
 榮。平常夢之亦無不利。若疾病夢此。則為孝服哭  
 泣之兆。

珠珥珠履珠衣

江南司農少卿崔萬安。分務廣陵。常病苦脾泄。困  
 甚。其家人禱于后土祠。是夕萬安夢一婦人。珠珥  
 珠履。衣五重。皆編貝珠為之。謂萬安曰。此疾可治。  
 今以一方相與。可取青木香。肉苳蔻。分棗肉為丸。

米飲下二十九。又云此藥太熱，疾平即止，如其言服之，遂愈。

### 珠串

占 夢此者，光明連絡之象也。文士試必聯捷，商賈利當數倍，但須迴環成串，方為吉祥。如夢直串雙串者，為累贅，為淚。

占 夢為支離，不吉。

### 珠簾

占 是夢也，為善者世系榮顯，為惡者闔門誅戮。若夢捲者，為吉，猶都微。

### 還珠吉

晉謝至蔡州，息族邸，覺床上有物，獨廉視之，乃一囊美味。次早問主人曰：何人止此？答曰：海陽胡仲津。公伺而還之。夜夢一童子謂之曰：上帝見汝取與不荷，當為佳士。今以明珠一函贈君。異日有當受福報。後五子俱登第，位極人臣。公壽至八十九而終。

吞珠

李郡君有賢德。嘗有貨珠子。老嫗至李氏。龜珠在  
地。郡君收之。後嫗踰時始至。形容枯瘦。郡君詰之  
曰。向所貨珠子。歸而失之。告其主。償金十兩。主不  
許。因而成疾。郡君曰。珠子在此。嫗驚喜。泣下。願  
金六兩。以請。郡君却而不受。取而還之。忽微疾。至  
一大宮府。見二偉人坐堂上。同記得還李嫗珠  
子事。否。郡君詰之。其一偉人曰。當增二  
十年壽。遂驚悟而起。後二十年乃卒。

進士謝諤。家于南康。舍前有路。諤為兒時。嘗夢  
路中。有人以珠一器遺之。曰。即吞此。則明矣。諤  
其大者。不可吞。即吞細者。六十餘顆。及  
長。善為詩。有詩還六十餘篇。行于世。

宋寇斌。字次公。臨汝人。母夢神人

授珠吞之。而娠。遂生斌。擢進

遇賢。俗姓林氏。長洲人。母初孕。夢吞大珠。生時。屏

光滿室。少溺水。所流復還。遂出家。東禪寺。性嗜酒。

人呼為林酒仙。醉則作詩。時有警句。尤能前知人

禍福。言無不驗。人疾病者。書符與之。立愈。日行路

中。嘗持一鐵椎。見瓦甃輒碎之。人問其故。荅曰。惡世路不平耳。

# 王大吉

占曰

山川秀氣。天地精華。結聚而成。孕毓甚久。儲養既深。方能具是美質。夢此家道福積。兒孫統緒。室壽溫和。凡事大吉。○夢見未剖者。機會未達。須藏器待時。夢錫關而王美者。運氣通泰。利增百倍。有取疵者。謀整遲延。作為外謬。夢得碧玉者。主入山得道。為高上之人。夢見玉潤如脂。華價高貴。若夢玉碎者。妻子不利。夢瑞玉。定得分茅胙土。夢玉有人來訴。失因田土相爭。夢懷玉。孕公生男。夢見玉。臨事還當競凍。夢買玉。將置阿嬌。或嗣佳種。夢玉。妻子不能兩全。玉光燭燭。名利兼得。夢玉。一點為王。身卧下。玉上。病宜藥土。

# 王燕

開元宰相張說母。夢一王燕飛入懷中。因而有孕。生說。後為宰相。故人有飛燕投懷之句。

夢林玄解

卷二十一

夢

七

夢

玉盤玉枕玉帶 吉

開運甲辰歲暮晉帝遣中使至內署宣問諸學士云朕夜夢一玉盤中有玉枕及一玉帶皆有玉光瑩可愛是何徵也承旨李慎儀奏云王者受天之寶帶者智功之光盤玉者守器之象此為吉兆後帝享位多年

玉筋 吉

邵康節母李氏其姑張氏遇之甚嚴一夕欲自盡夢神人令以玉筋食羹一杯告曰食自盡當生佳兒後李夫人山行見雲霞間大黑猿有威而孕臨產慈烏滿庭人以爲瑞是生康節

玉盆 吉

齊後主高緯母胡氏夢于海上坐玉盆日入揮下遂有娠五月五日生緯于并州邸

泣玉 貞吉 否凶

玉玦

占 和氏之泣。夢中見之。此兆為有志莫伸。有懷莫喻。遺際不在目前。但恐禍生足下。是大器晚成之象。

占

玦者決也。有決斷之義。獄訟夢此。輕者得脫。白。重者主處決。決者缺也。有殘缺之象。患難夢此。骨肉不得完聚。家業不能保全。凡事多凶少吉。

種玉 吉

陽父字雍伯。致美業。給行人。三年一夕。夢人問曰。何不種玉。湯荅曰。無種人曰。明日往架上取子種之。生好玉。併得好婦。晨起果得菓子一升。公種之。數歲。北平徐氏有女。公求之。徐云。得白璧一雙。當成婚。公至種玉所得白璧。遂娶之。名其地曰玉田。

玉勝 吉

陳高祖劉皇后。母桓氏。夢吞玉勝。生后。以告父壽之。壽之曰。恨非是男。桓笑曰。雖女亦足興家矣。

夢林玄解

卷二十一

珠玉

羊

夢占



玉石吉

高琳之母嘗被襖酒廬遇見一玉石光彩朗潤持以歸夜夢人衣冠有若仙者謂曰夫人向所將來玉石是浮磬之精若能寶持必生令子母驚寤舉身流汗俄而有娠及生因以琳名字之口季琨後爲國名將爵建爲郡公進位柱國

吞玉吉

隋崔府君父讓世爲巨農純良德義鄉里推重年將知命未立嗣讓與妻虔誠禱于北岳是夜夫妻夢一仙童手擎一盒詣門曰帝賜盒中之物令吞之言訖舉盒蓋觀之見美玉二枚夫婦各吞其一忽然而覺大業三年六月六日生一子神彩秀美異于常人幼而從學日誦千言不窺羣子之戲因名子玉凡事過人鄉人咸以爲天賜也

玉擲千門

李盛作安南守。夢人以玉櫛于門。  
盛曰。此櫛字也。吾官當再任。果然。

### 玉佩

夢以行動趨止。各有常度。坐作進退。各有節文。肅其容。不忘恭敬之心。抑抑其儀。富有鏗鏘之韻。文士夢此。巍科高擢。若夢身上解去者。主有凶事。夢見小人佩外者。主奴僕背主之光。

### 銜璧

凶

璧所以禮神。所以通信。國家之重寶也。當十襲珍藏。或奉持服膺。夢銜之者。主有屈辱喪亡之凶。銜而入曰入腹者。才高子秀。

### 玉環

吉

玉有溫潤之姿。環有循環之象。夢此者。凡事無往不復。否極泰來之光。人授已者。主或生貴女。或得子。雙

玉瓶 吉

段思平夢玉瓶耳缺。以為不祥。董軍師曰。玉瓶去耳為王。主公為王者兆也。果然。

賣玉 吉

占 玉售而得善價。商賈定主興旺。文士必得科名。但有美子女者。夢此不祥。

玉璽玉圖書 吉

占 夢此者。主有真人授記。天子降恩。若在平常。其人必真誠。有信行。能堅忍。無變更也。

玉鈎 貞吉 否凶

占 文人夢此。有鈎深致遠之思。官訟夢之。有一筆鈎消之光。疾病夢之。急宜解穰祀賽。亦可消釋災悔。

玉帶 吉

占 玉帶為尊貴顯榮之兆。見之于夢。當有王公大人降臨在側。或來徵聘。正得志行道之會。惟君子夢。

日

之乃為大吉。若在常人，夢非其物，不得為美。

玉碗

貞吉  
否凶

占  
日

夢此為貴人接引之兆。若夢傾碑者，死喪不祥。謀望須防傾跌。凡事敬守，方保無虞。宋李世俊，母夢人以玉碗授之而生。七歲能屬文。詞華獨擅。為海內人望。後俊尋以儕輩所妬，曰：此子其殆不穀乎？世俊尋以儕輩所妬，羅織成獄。杖之幾斃。廷下，遂不能起云。

瓊瑰

公孫嬰齊字聲伯，夢涉洹，或與已瓊瑰食之。泣而為瓊瑰盈其懷。從而歌之曰：濟洹之水，贈我以瓊瑰。歸乎歸乎。瓊瑰盈吾懷乎，懼不敢占也。還自鄭壬申，至於狸廕，而占之。曰：余恐死，故不敢占也。今眾繁而從余三年矣，言之莫遂，卒于狸廕。

玉磬

大吉

其形曲折其韻悠揚為八音之紀綱為始終之條  
理凡夢兆者將見事雖繁冗必有統馭之權獲  
奪雖多我得綱維之任士人領魁元仕宦登黃閣  
常入謀望亦有把柄家庭事體有頭緒而不紊亂  
婚姻當見朱陳之好  
孕育定得麟鳳之祥

玉軫 吉

撫金徽調玉軫琴瑟之事也此兆主家門雍睦  
偃和諧士子文思清新篇章俊逸將有知音之遇  
商賈求利為的軫者準也遠  
音目下將至盟約有信不虛

玉壺 吉

此清介廉潔之徵也宜于孤高絕俗之客不宜于  
母財利之徒士人當入詞林居官定超給諫女人  
不宜夢此恐  
有葉砧之憂  
又夜來一夢玉壺水  
名蜚詞林聲諫諍  
禁潔無暇徹底清  
蘭闥肅得守操貞

琢玉成器皿 利

占 此兆是使人切磋磨礪改過修德以玉成大器也  
士子功名可就經營財利可得但先難後易必其  
始受得一勤勞

日 未路乃能安逸也

赤虹化玉 大吉

占 孔子作春秋孝經成祭告于天有赤虹自上而下  
化為黃玉三尺上有列文凡得此夢者朝廷之  
上當生聖子神孫將來必為有道仁明之主天下  
咸寧萬邦惟順所夢之人在文士亦當為賢良輔  
弼之臣建緯地經天之業若常人夢  
之王家事豐豫俊秀之子挺生傑出  
赤虹化玉 皇天眷沃有夢若斯兆豈庸碌上應  
朝廷下逮民俗 聖德王仁福履幽谷所夢之人  
又 家給人足

飲玉漿 吉

此兆宜于日用起居。樽節愛養。修身謹行。則士子得文思日益。常人得家道日隆。老年者壽至百歲。有疾者夢之。宿病皆痊。後魏李預夢神授以餐玉之法。乃采訪藍田掘得。若環璧雜器形者。大小百餘枚。棗作屑。日食之。經年。云有效驗。而好酒損志。及疾篤。謂妻子曰。服玉當屏居山林。排棄嗜欲。而吾酒色不絕。自致於死。非藥之過也。尸體必當有異於人。勿使速殯。令後人知餐服之功。時七月。中旬。長安毒熱。停尸四日。而體色不變。口無穢氣。

玉在石中 貞吉

占 玉在石中。璞玉也。尚俟良工。方能發揚其美。士子未遇明師賢友。更不得薦拔之人。一應九流工商等輩。夢之交庚辛申酉之年。始為佳兆。

兩手捧玉 大吉

占 夢此兆者。宜持身敬謹。當成大器。士得名。異日當為輔弼之臣。玉乃王也。兩手即朕臚之意。其應在

日 此其餘皆  
為吉兆。

香玉 大吉

占 唐肅宗賜李輔國香玉。香聞數百里。得此夢者。大  
吉之兆。玉。辟之溫潤者也。香。德之芳馨者也。若能  
修德以應其占。士人當唾手功名。垂芳百世。常人  
日 事業恢弘。子孫世守。生子俊秀。聰明生女端莊。貴  
品。半載中有喜  
慶。從天而至也。

觀日玉 上吉

占 此玉乃希世之寶。洞見口中宮闕。人有夢之者。當  
承恩天府。日侍龍顏。若在俳優等輩。及無德之人  
日 兆之。反有  
刑戮及也。  
又 觀日玉。希世寶。日中宮闕如蓬島。此  
占 夢原來兆不凡。承恩得侍龍顏早。

○○○錢鐵



錢

貞吉  
否凶

占

體圓孔方。輕重以銖。周流四方。利濟天下。可以  
人之困。可以懸民之命。其如泉之流。若聚而不散。  
當獲天譴。夢之者有通達萬變之兆。○夢見散錢  
主有瘡瘍之症。夢錢無文者。未謀背暗。夢錢貫串  
者。事必連絡。夢錢  
堆積者。當被臭名。

柳績字德封。勤苦爲學。夜燃木葉以代燈火。夢中  
聞有呼者。績出見之。有五六丈夫。各負一囊。傾于  
屋下。如餉芡。語曰。與君爲讀書報。明旦起而視之。  
得漢古錢一堆。計百七十千。乃終其業。宋明帝時。  
官至東  
官舍人。

贈錢

閻陟幼時。父任密州長史。陟隨父在任。夢女子年  
十五六。容色妍麗。來與已會。寢輒夢之。後夢女來  
別曰。妾是前長史女。死殯城東南角。明日來迎妾  
喪矣。今有百千錢相贈。言訖。送錢于寢下。陟覺視

林下惟有  
百千紙錢

### 大錢

弘治庚戌。王謂爲副主考。王鏊爲同考。一夕送卷至堂。王謂王云。昨夢人餽一大錢。何也。王謂文加青錢萬選萬中。其有異乎。已而乃錢福爲會元。

### 上清五銖

岑文本避暑山亭。因少憩焉。夢中忽報有上清童子元寶來見。曰。上清五銖及出門。東行數步。于墻院下瞥然而沒。明日。文本命工力掘之。得古錢一枚。文本方悟上清童子。是青銅名元寶錢之文也。

### 天雨錢

唐熊褒性孝。爲御史大夫。是時例無俸給。家無餘資。父喪不能葬。晝夜號泣。夢天雨錢。明日庭下果有錢一堆。得以襄事。人稱忠孝雨錢公。

錢飛入云

占 是夢也。士人文章日富。商賈財利倍增。惟軍中  
之為金戈疊見。須防敵兵衆至。病中夢之。為蟲

曰 變動但恐  
腫毒蛆生。

掘地求錢

占 是夢也。掘之而不得。反吉。見錢少者。主口  
曰 舌錢多者。主有湧泉穴之病。須求對治。

料錢

宋王狀元十朋。未第時。醉墮沛河。為水神扶出。其  
夕夢神曰。公有三百千料錢。今日若死。何處註錢。  
明年遂  
登第。

身入錢孔 凶

占 錢體外圓。反之則方。內方。反之則圓。質屬金。金主  
刑傷。夢之者。必有獄訟。身受枷鎖之象。舟中為

曰 水之徵。又主遺臭。

人以錢求買物 凶

占 此交易之兆。應在錢姓者。或金姓者。或戈姓二人持金至者。如買已不祥之物。大利買已所愛之物。

曰 不吉。晉王導長子忱卒。先是導夢人以百萬錢買忱。導潛為祈禱。尋掘地得錢百萬餘。意甚惡之。忱卧疾卒。

得錢 以吉

占 夢得古錢者。主利微。夢錢落身者。主瘡甚。錢青而大者。主文章。錢白而多者。主泉水。夢見黃錢者。以黃泉之兆。

劉巢林者。篤行人也。夜夢至一所。有石榴二樹。下得錢千緡。自念平生無妄想。安得此夢。未幾。里中

夢林玄解

卷二十一

錢錢

五

戴氏延為館師。其館中庭前。有石榴二株。一如所夢。及得束脩。備千緡。遂得第。

古塚錢

剡縣陳務妻。少寡。與二子同居。好飲茶。家有古塚。每飲輒先祀之。夜夢人致謝云。吾雖潛伏朽壤。忘翳桑之報。及曉。于庭中獲錢十萬。似久埋者。惟貫新耳。

磨錢文

三國魏曹丕。夢磨錢。欲使文滅。而更愈明。以問周宣。宣曰。此陛下家事。雖意欲爾。而太后不聽。

鐵

占

質蜀金而不貴。其性剛而音劣。故凡夢銅錫等類。兆無不祥。惟鐵有凶有吉。不可無占耳。○夢失錢。為傾跌之象。得鐵為貼服之徵。夢人持鐵器入家。主病祟。夢鐵光焰焰。主兵戈動。夢吞鐵。主病。夢冶鐵成器者。失物必獲。得物反失。夢身入鐵中。主傷損。

鐵槌

承德則孫俊民家于震澤歲除夢一長大人其高  
出屋行通衢一手持牛角一手持鐵釘鎚睨其  
家以牛角擬門上欲釘之夢中與之辨解長人  
乃去以其角釘對門姚氏舉家病疫死者數人

鐵馬

吉

鐵為金馬為火火能剋金而金成于火動而不定  
相擊成聲夢之者主出行主名譽顯聞也若夢鐵  
馬馳入庫藏者必有  
失火之災宜解禳之

鐵拐

吉

八仙中所有者也夢此為能持能行之象出行有  
扶助病患得立起年老若便於出入周旋力弱者  
曰占  
不至傾跌顛顛脩鍊之  
士夢此必遇真仙引掖

鐵桶

大吉

占 夢此主江山一統。海宇咸寧之兆。有國者城郭完固。不煩扞衛。有家者墻垣堅厚。無事修葺。創始者必至盡美。守城者必能永久。

鎮鐵如意 吉

占 剖屹鐵石而得鎮鐵。煉鎮鐵而成如意。夢持之者主遇金姓石姓人。配合姻緣。凡事如意。其謀其居。其名其利。病者訟者。俱稱心滿懷。大吉也。

鐵硯

占 夢此者。立志鑽研。持久成功之兆。求財利。當枉尺直尋。問功名。宜棄文就武。

鐵券 吉

占 功成名遂。志得意滿之兆。夢之者。文士名書彤管。武弁拜將封侯。產業有成。訟獄無害。子嗣興隆。案遠。世綿。

吹鐵笛 吉

占 兆此者韻別名高吹之為  
日 金穴有聲主大富馳名也

○○○珍寶

丹砂 大吉

占 臨水縣有廖氏世老壽後移居子孫輒殘折他人  
日 居其故宅復稟壽不知何故夜夢井水泛溢因掘  
井左右得古人埋丹砂數十斛丹汁入井是以  
以飲水而得壽夢吞丹砂者當主有壽得道

紫珍

隋王度得古鏡能制百邪時蒲陝間疾癘尤甚乃  
使小吏張龍駒持鏡遍巡百姓其夜鏡于匣中  
然自鳴明早龍駒謂度曰昨夢一人偉異謂駒曰  
我鏡精也名曰紫珍為我謝王公百姓有罪天  
之疾奈何使我反天救物且  
病至後月漸愈無為我苦



琥珀 貞吉

占 夢此者主當有風木之憂  
日 不吉。惟懷孕主生貴子

燃脂石

占 瑩潔明透夢之者主有奸雄竊服之  
日 光女子夢得此主有以芳蘭相贈者

埋寶 吉

占 寶者西戎所產乃天地之英山川之瑞凡見于  
日 者內應五臟精華無有不吉惟夢失之者為不  
有夢一丈夫佩劍自言漢光武時與馬將軍同  
交趾得南人之寶後馬以薏苡被謗吾恐禍及  
寶埋此地及寤與鄰近尋其  
處掘得寶劍并金龜古鏡

寶母 吉

占 其色半青半赤夢之者商販出行或東或  
日 南而利不求自至此大富豐亨之兆也

阻馬路 凶

占 夢此者貴人主失祿平人主失業閨中夢之為懷思分別出征夢之為步伍失利

殊角 牙 即 象 吉

占 象輅以封異姓貴者夢此受恩錫象筋必有玉杯富者夢此設華筵牙籤萬軸文士夢之書富五事象有齒以焚其身凡事謹慎乃得善終

珊瑚 凶

占 寶樹也高者五六尺次者三四尺夢此者掌有繁雜富剛削之其色紫者主疾病赤者主火災

瑪瑙

占 似玉而有斑士人夢此文章光彩老人夢此則病熱症生煩惱不祥

得寶璫

占 常人夢之。主釜空如沈之兆。富貴夢之。張典得利也。

玳瑁

占 此海中介蟲也。以之爲服飾。在霧中不迷。夢見此者。主大水至。尋常得酒食。

玻璃琉璃

占 主奔波流離之兆。凡夢此者。俱爲不祥。若在難中。反得解散。

貝

占 有紫貝。有霞貝。有綬貝。有朱貝。夢得紫貝者。疾病愈。得霞貝者。蛆蟲消。得綬貝者。氣障去。得朱貝者。眼目明。

水晶

占 夢此者。主三日後有大水至。又主天雨三日之兆。

犀角 大吉

占 犀者犀利之物夢之者無有不利有水尾有文犀有通天犀夢水犀者商賈涉江渡海無險阻夢文犀者士人文章詞賦有重名夢通天犀者凡人疾病災患得良藥若孕婦夢之生女必貴

琅玕 大吉

占 昔人夢遊蓬萊見琅玕樹如珊瑚老人揖而取之擊之有金石聲既寤覺身體輕健後至百歲行及奔馬凡夢此兆者交得良友病遇良醫出仕者有循良善政遭逢聖君為一時之良相為百世之玉城大吉

又 黑甜一枕夢琅玕蓬島球琳取大看聲若敲金仍夢玉色如染黛更塗丹佳徵美兆傳符券友誼交情重莫蘭酣寢乍醒春睡足一庭花事未闌珊

雲母 吉

雲者。登雲之兆。又為虛浮不實之象。今得其象。  
 騰霄有路。而提摸無憑也。宜于士人。不宜買客。  
 于空掌。召與不宜賣本求實。雲母凡有五色。若  
 青色者。家庭有喜事至。孕生男。赤色者。防火災。  
 音到。又有口舌之兆。有人送書籍及衣服來。白  
 者。有財帛。白而有光芒者。有刀兵之兆。無光黯  
 者。父母喪服。及親戚死亡之憂。黑色者。主疾病。  
 賊及大水。燕沒田廬。黃色者。士人夢之。大貴至。  
 莊人夢之。增  
 益田畝之兆。  
 雲母出雲。縹緞魚鱗。  
 又  
 占  
 不利俗子。利于斯文。

玫瑰吉

玫瑰亦香玉也。芳香之氣。今之玫瑰花香與色俱  
 似之。此乃文章魁首之兆也。士人登魁元。一應九  
 流俱有名聲。生子  
 俊秀。生女貞潔。  
 又  
 占  
 春睡夢玫瑰。文章得占魁。  
 窓前勤苦學。馬上錦衣回。

珉瑛 吉

占 珉瑛乃西海之石。可以為劍。切玉如泥。得此光者。每事利。功名早得。末道易成。處繁瑣膠結之事。則當迎刃而解。

又 占 刷利說。珉瑛霜芒。世所無。佳徵。形夢寐。勇往嚮前途。

臘脂 凶

占 臘脂乃女子之所需也。女子好也。然必每事守正。不得荒淫過欲。則惡事變成好事。如其不然。恐墮道盛而陽道衰。君子退。

又 占 而小人進。戒之戒之。昨宵夢裏見臘脂。麗質嬌容。恣爾施陰。道將盈。陽道相。吉凶安用卜。龜著。

翡翠 凶

占 翡翠為林鳥之羽。作婦人之飾。翡翠字從非翠字從卒。如夢得此兆。急宜保身。步正。戒謹恐懼。猶可推。

事水云耳

珍寶

三

翡翠

曰禍為福不則便有非義非

又法之事以卒其象也

占修身戒謹回妖異詒訓諄諄勸爾曹

車渠不利

占此夢主有河渠之決不利予我須預備之可也

瓊英吉

占美石也夢之主世出英豪

天球吉

占重寶也夢之主為良輔

璠璣吉

占魯之寶玉也夢之主生秀兒

礫石 凶

占 此兆主坎珂  
日 多累之象

琬琰 凶

占 此夢宛然有炎上  
日 之象火燭之光

夢林玄解卷之二十一



夢林玄解卷之二十二

夢占

文翰部

書籍  
字畫

經卷

史傳

佛老

詩詞

〇〇〇書籍類

書從天降 大吉

占 夢此者必有殊遇顯者蒙 恩錫士人蒙  
日 簡拔常人富有意外事無不吉昌也。

月照書史 吉

占 月陰象也應得兵書或握兵符  
日 士人女子夢之當有婚姻之喜。

晉韓休夢月下觀後漢書旁一道士指謂之曰此  
汝婚姓也踰歲娶得蔡氏乃悟後漢書為文姬所  
續其姓乃  
蔡氏也。

風翻書籍 凶

占 參差不齊顛倒錯亂凡事多疑了無成算夢此者  
主心事不寧徬徨無策有所謀為要皆不能成就  
日 然當察其書而推之可也

書晒炎日中 大吉

占 日麗中天書晒其下文明之象也貴人必登台鼎  
士子必擢高科常人夢之家業興隆且生貴子族  
日 客夢之有信在中途即至也

雨淋書史缺壞 凶

占 凡事有穿鑿須防人暗毀大不利于功名及文書  
日 事若士人夢之必其志不堅學不精也奮勉為士

雲中書 貞吉

占 青雲名顯達紅雲恩詔來黃雲飛報至紫雲生貴  
胎烏雲家信通白雲乃喪事五色最難逢不啻一

曰 身貴還看世世榮。按色推之吉凶可知矣。

### 據地觀書史

占 潛而未躍伏而不動藏器待時困而後亨之兆也。得此夢者無妄求無躁進久必通達譬猶龍之須蟄而起也。利各一轍宜其守焉。

### 拾地上遺書 吉

占 得此夢者學日以進智日以增主有貴人扶翼引導大吉之兆也。惟不利于女人。夢此者主有公姑夫婿之憂。

### 讀書山林間 大吉

占 神清氣爽心恬意適乃有此夢。主為高貴之品。出仕者玉堂金馬未仕者澤耀山輝。發聲鴻舉指日灌耳也。

握書登山頂最高處 大吉

占 仰接穹蒼。俯眺寰海。夢此者必列三台。否亦當居  
諫垣。以輔明主。未第者夢之。當大魁天下。市人

日 夢之必富  
冠一時。

水面浮書

占 夢此者主有遠音至。多凶少吉。然須審其何方浮  
來。或順流。或逆流。乃可辨其凶吉。東南則吉。西北  
日 凶。順則吉而逆凶。○倘綠水紅書。主生子。  
白水綠書。主生女。此又不應以前例推也。

路上觀書 吉

占 名利亨通。無往不吉之夢也。不日有奇遇。宜速行  
且貴速。名必大顯。利必大獲。動遂所願。但不可遲  
日 滯耳。

翻史 貞吉

占 青雲之客中秘之光去惡從善宜鑑往  
日 夢此者上進德修業為正人君子。

攜書遠行 吉

占 夢此者以所行向何處占之是為順德居  
日 尊敦厚以明道必有所成就而無悔者也。

人取書去

占 主慶賀之事無事夢之必有奇事有事夢  
日 之當審所言次日作事遇雨吉遇風大忌。

武德四年東都平後觀文殿寶厨新書猶八千餘  
卷將載還京師上官魏夢見場帝云何因經將  
書向京師于時太府卿宋遵貴以大船載書往  
師河中立風覆沒魏復夢場帝甚喜云我已得  
帝平日愛書寶厨新書大業所秘之書也。

秉燭覓書 吉

占 主得良師或賢友資其教誨磋磨之力否則  
日 有遠行往無不利也常人夢之主失脫官事。

手評書史 吉

占 裁定是非商確可否。黜陟惟我。去取惟我。匪異人任也。得是夢者。其登史館乎。即在未遇。亦可因是。日 規品于異日矣。白衣夢之。亦有益而無損。倘所評者是小說野史。防口舌。

理殘書 吉

占 殘書舊物也。而理之。是不棄舊也。不棄舊者。必不憐新。中和之德。于妻敬之。是人名顯遂。家事新。于日 茲卜其始矣。

得所未見書 大吉

占 天欲啓其聰明。故于夢中示以奇異之書。凡得此夢者。必主學問長進。才智過人。常有非常之遇。日 功立業冠絕一世也。

神授文書

占 因所示而審之。因其時而推之。無占也。

真宗嘗夢神人言。賜天書于太山。郎客論王欽若。欽若因得之。授中使。馳捧以進。遂成封禪禮。蕭燧未第時。夢神人示以文書。記其一聯云。如火烈烈。玉石俱焚。在冬青青。松柏不改。後以進士高第。不為秦愉子燭所污。仕孝宗朝。累遷左司諫。上以議論鯁切。不求名譽。糾正奸邪。不恤仇怨。嘉獎之。後以資正殿學士與郡公。卒。諡正肅。為南宋名公。

### 人與已書 吉

占 與我以書發我蒙也。士人夢之。益智慧。庶人夢之。長機謀。若係雜書。當有人來議事。

### 人誦書 吉

占 凡夢此者。皆有所貴。因時而推。雖所誦者是大凶之書。亦必無咎悔也。

### 抄書

占 幼稚夢之為佳兆。衰老夢之為危兆。貧窮夢之吉。貴顯夢之凶。更以所抄占之。

焚書

占 書而焚之。是棄之也。棄書不祥。夢之凡事皆不利也。如無用書而焚之。則反大吉。

架上書崩

占 此夢主學問充足。將售去也。舉子夢之必聯捷。惟老年尊宿。及在高位者夢之。則大非吉利之兆。常人夢之無嗣。女人夢之。主必有丈夫與子之憂。當細推之。

積書盈箱

滿架同

占 富貴之夢。積德之象。博學所致也。而或有積敝者。亦夢之。以名色推之。審其詳矣。

篋書縱橫

吉

占 此高談雄辯之象。能扶策以下王公。必有所遇。第踪跡無定。不能大豫已意。凡事須見幾往无咎也。



書作枕 大吉

占 得此夢者一生作事安穩如意且多得貴人之力  
即日經管者夢之亦必得大貴人之賑濟永無落下  
也。

藏書袖中

占 看所藏何書五經文史為上吉雜書稗說次  
之。淫詞艷曲為至凶藏右袖則吉左袖則凶。

以衣拂去書塵 吉

占 拂去書塵易新說也以衣拂之功在我也夢之者  
必積學之士能初特解以剖聖賢精微之蘊而趨  
出時髦之上者也否則  
必有寧馨出而繼書香

帶束書

占 主事有成富有秦晉之盟後必生貴子秀士不  
日 宜夢此夢則所學不進也經管者夢之亦不利。

錦衣裹書 吉

占 功名顯達之象。在春夢之全吉。秋次之。夏冬  
日 又次之。紫錦爲上。藍次之。紅綠玄又次之。

屋角有書籍

占 履險而坦。居危而安。業位以行。  
日 則无咎。不可妄有所作爲也。

書滿車 大吉

占 夢此者。百事須勉力爲之。則無不就。飽學夢此定  
日 乘風破浪。著名于時。經營者夢之。大獲貨利。乃運  
券也。

舟載書史 吉

占 夢中無風波之險。順流而行。則有得意快心  
日 之事。如已傍岸。主發科甲。暗中得神祐之力。

負書騎馬走 吉

占 主有人附信。或泥金報捷。如出仕者。當銜命。行市人夢此。主獲四方之財。隨所往之方而詳之。自知否。素矣。

鳥銜書 大吉

占 翔翔雲漢。展翅天衢。士子名成志遂之符也。日 常人夢之。有佳音至。女子夢之。則生貴子。

捕魚觀書 吉

占 夢此者。主享安寧之福。得後昆之力。日 無疾永年。後生夢此。主得無本之利。

覆茗書上 大吉

占 此夢主婚事。且在詩禮之家。臨場夢之。必獲龜科。女子夢之。富有俊雅之士。問名焉。勿豎夢之。富有賢明之師。開導焉。

置書史于花側

占 結子花。則生聰雋之兒。不結子花。則生秀慧之女。  
舉業者夢此。則無成。尋常者夢此。則得助。就得夢  
之人。與時推之。自驗矣。

展書竹林中 吉

占 修身以俟。虛心以求。清節之言。人所不  
可及也。人若夢此。其有物色者至矣。

投書荷池

占 夢此者。聯捷先也。荷衣。綠衣也。投書荷池。將脫白  
掛綠也。生理者不宜夢此。蓋書本也。以本投水。其  
何利焉。

蕉葉覆書

占 主有大人覆庇。且沐其休澤。如葉枯  
而無色者。主大不祥。有喪服之憂。

書在樹頂 貞吉

執編攀枝

占 此夢主有人來獻策。與之謀議。必能成就大事。可建豎勳業。其人必介直而不阿。有始克終。書青色東方人。赤色南方。白色西方。黑色北方人。倘出行者夢此。則危而不安。未可遠行也。防有宵小之隱。

占 名未能遂。志未能伸。若是枯枝。終身無成也。若經營握算。獲利無疑。若無子者夢之。主必生子也。

玉易書 玉同 大吉

占 此大貴之兆也。夢之者主有古鼎簡拔。位登八座。子孫綿綿。簪纓不絕。商賈夢此。主獲大財。謀生貴。子。女子夢此。夫婿乘龍。

書上多珍寶

占 士子夢此。必以文章名天下。但不能登高位。每為羣小所妬。市人夢此。主失脫官事。舟中夢此。防風波之患。

鐵如意點書 貞吉

占 夢此者主有疑難之事未剖其中必有竅竅臨時必能推出但須立意斷之則可以服衆士人夢之則名難成餘則無益又無損也

裁經史作佩玉 吉

占 溫其如玉君子之德裁我以為佩服無敎也若經與史則在推者之自悟云爾

書史忽成琉璃

占 夢此者主明見萬里權傾一世若無威柄者主難散不常去來無定在外主父母有疾經商主分利不明出行猶忌

金銀中得書籍

占 觀人品之清濁清者顯達而無終濁者得爵而無祿至若商賈之士利薄而微不足算也

持錢買書 吉

占 有志未遂。謀事未成。終必有慶。夢此者凡  
日 所作爲皆當從緩。發軔之初。創始之象也。

書忽作聲

雷鳴隱隱。螭龍將起之象。夢此者譽騰海內。望重  
一時。庶人夢之。必主發財。興家立業。無不如意。惟  
占 老人夢之。主嗽啣。主疾病。女人夢之。主外幸服。幼  
日 稚夢之。益智慧。春月得此夢。一歲之中。大有成就。  
終身之業。于  
茲始茂矣。

朱書 大吉

占 天帝之符。受祿之徵。夢此者主大貴。蒙  
日 常人夢之。得仙術。老者夢之。益壽延年。女人夢之。  
夫榮子顯。  
上吉兆也。

書字變成五色字 大吉

占 夢此者主文章大進。不求問學。自能明悟。投時合。賢愚共慕。在幼年夢之更妙。老年夢之。主封爵。至。主得晚年秀子。常人夢此。主得錦繡財帛。猶利出行。所往皆吉也。

黃紙書 大吉

占 至中至和。乃吉。乃高。夢此者主食中土之祿。為守之職。商賈夢之。往秦晉之地。必大有獲而返也。

煉丹書

占 夢此主被小人竊取財物。是非爭辨不已。有百日之憂。無大損。

捧書心胸間

占 主有得意事。不俟我求。人來就我。士人夢之。主謁貴人。有大益。經商夢之。有微利。更當視其書為何書。以見吉凶。

口銜書



占 承大人之命。有四方之行。東北則吉。西南則小有驚。若爲說客而夢此。必大得志。能成大功。女子夢之。主有口舌。

血漬書 吉

占 夢此者。主骨肉相會。即不會。亦必有音問來通。士人夢之。必得異地賢友。

書欠一本

占 缺而不全。夢此者。士子不能發甲。商賈虧本。十之一。老人女子夢之。主喪一子。惟兒童夢之。則大有進益也。

半部書 吉

占 正中而不偏。有謀不可過望。名成就。利均平。女子夢之。主招婿。

書高數尺 大吉

占 此夢豐隆之象。學富之符。得是夢者。富高大。其門闊。後必有貴人出。若經營者夢此。其利百倍。必爲大富人也。

書古而多 吉

占 主獲奇異之物。得意外之財。其物其財。不在人。亦不在室。非道上。則地中。學者夢此。當有人求其作。

失書 凶

占 審所失者何書。春夏夢此。不利往東南。秋冬夢此。不利往西北。學無成。利無獲。幼稚夢之。則隕身之兆也。

書皆小部 吉

占 簡而文。多而不費。以小成大之象也。小試主得高名。小本主得大利。主多生子而秀雅。極佳之夢也。

二角書 凶

索綬。夢東有二角書諸綬。大角朽敗。小角有題。其  
囊角佩。一在前。一在後。以問索綬。綬曰。大角朽敗。  
腐棺木。小角有題。題所請。一在前。前杓也。一在後。  
後背也。當有胸背之間。時綬父在東。居三日而凶。  
問至。

書在厨中

貞吉

占 厨中書夢主藏機。龍蟄深淵。要待時。  
未得早。諸名與利。尚當謹守。勿胡為。

借書

占 與人借書夢大吉。發憤開心。妙非一。士子臨場文  
思飛。文成五彩。花生筆俗。子庸流。夢借書利源不  
日 竭資財溢苦。夢人來借。  
我書。前程萬里。昏如漆。

床頭貯書 大利

占 床臥床也。書乃千金不易。即黃金也。床頭書。猶床  
頭黃金之象。兆此者。市人獲利。士子得名。孕生男。

日訟必勝。

釘書

占 裝釘諸書整束齊。夢之宜守不宜移。安常處順終逢吉。如嫁男婚大得宜。宅舍安寧無改革。田園增廣舊根基。病人夢此難痊好。釘掩屍棺有哭悲。

書裏囊中吉

占 無底口囊。夢之須每事小心。商賈得之。出路宜防。否人財利須防失脫。士人夢之。奮志寒膺。終有出人頭地頭角。崢嶸之象。

截書不利

占 截絕也。兆之功名沒事業敗。父母王刑尅夫婦有災殃。

批汰書不利

占 批汰緣非得意漫從筆底增刪功名事業等雲門  
還向螢牕雪案。○室內難和伉儷膝前子嗣姦頑  
日 圖謀似隔萬重山。  
財利空花變幻。

### 人授赦書

占 赦解也。解難之散也。占之或有否事者。轉凶為吉  
之象。或有美事圖謀者。反成不就之機。蓋凶不成  
日 凶。吉不成。吉。  
總歸散解也。

### 圈點書 吉

占 藻翰工詞句甚佳。好將丹墨綴流霞。文人夢此花  
生管。仕宦逢之扶更加。喜事每從天上降。錢財應  
日 得手中掣。提携若有孩  
兒幼。痘疹須防密似麻。

### 閱秘書

占 秘乃不洩之機。占之者  
日 主事當謹密。言當退避。

向人求書 不利

占 求俯仰不遂之狀也。夢之主圖謀難遂。經紀  
日 難成。士子宜藏。商人未穩。百凡靜守為是。

收買書 吉

占 收書納盡世間春。家慶重重喜事新。  
日 商賈逢之當大獲。文人遇此拜椒宸。

人授兵書

貞吉 否凶

占 夫人夢之。主有佳篇奇句。進取前茅。仕宦兆此。主  
三台八座。職掌兵權。武士見之。主建功異域。威震  
日 邊疆。然必牢身修德。推已及人。無往不利。若恃  
妄作。反有奇禍。戒之戒之。其他經商。媒妁。婚媾。俱  
為不利。

送書與人 不利

占 此兆無益。於己之象。占之恐喜事去。機會失。愚蒙  
終難知覺。聰慧者反若糊塗。財利得而復失。求難

日 親而反疏。諸事皆為不利之徵也。

背書 吉

占 背非違背也。實佩服之謂也。如佩之終身不敢忘耳。夢之者。主故人提挈。或僮僕報恩。更兆他鄉。即日歸失物還。須見利吉。

置書在頂 吉

占 頭。元首也。書置頭頂。主權。尊。崇。之象。夢之。文武日。遷高位。應試得魁元。經營財萬倍。快樂笑聲喧。

迎接詔書 吉

貞

占 一封丹詔自天來。浩蕩恩波遍九垓。榮寵太近。退避功成。身隱實詐哉。○凡墓此。莫疑。疑愈宜修。日 德善培植。裁消凶弭禍臻。餘慶壽比閻陵位鼎台。

開拆書緘 不利

占 開分也。拆離拆也。主散而不聚之象。夢之者防失脫。謹貿易。病人危。惟訟可解。○又卦緝書批如。混沌未分。若開拆之。如天地已判。便生出。林林總總。無數。吉凶善惡。事來今占之。恐無中生有。但凶變吉。吉變凶。惟在人修德以致之。

修補書籍 吉

占 斷簡殘編。夢裏添。退休泉石。復高遷。燈牕士子須。功苦衣錦。他年馬上旋。○商得利順。流船。百凡謀事。慎于先。病人若也。纏綿久。醫禱和扶。定得痊。

書置案頭 吉

占 書在几案間。清寧百事閑。無災即是福。人物靜如山。

書砌壁中 凶

占 書砌壁面。牆立。謀為舉動。俱無益。學問荒疎。未享功名。一似皇親百官。賈逵營王寺持。暗下。



日 只宜遲。病人醫禱俱投石。孤月秋風送落暉。

書藏櫃中 不利

占 此兆也。鬱而未伸之象。士子多蹭蹬。紅顏多抑挫。老年者疾病呻吟。鮮有如意。

書擲井中 凶

占 此兆分明。人入窠。功名未遂。須安命。經商流落。向他州作事。還須持戒敬。官非只恐入囹圄。謀慮還憂無把柄。謹慎行藏。進退間。皇天錫福。增餘慶。

吞食書史 大吉

占 夢寐書。今天佐才。夫人智慧自然開。功名唾手還容易。懷孕應生貴子來。○人有病。暫時災。經營萬倍廣。貴財。家庭喜氣忽忽至。福壽康寧映上台。

書埋土中 凶

占 此兆主晦暗不明之象。夾士未能發達。尤恐不遇其時。一應經營謀望。尚宜守正。不可躁進。病者不起之憂。惟農圃夢之大利。

讀書樓閣上 大吉

占 讀書高閣達天。喬學士文人夢最宜。摘星辰輝北斗。身居層聳瞰南畿。玉堂仙客從天授。金馬流沙涉翠薇。若是廉常商賈子。太嫌寥廓未稱奇。

讀書城樓上 凶

占 夢中誦讀在城樓。此兆須防樂處憂。職守處將兵寇起。家庭當備賊人偷。生涯還是風中火。商賈如浪裏舟。一切在人加謹慎。天公錫爾福悠悠。

書放光焰 大吉

占 詩書墳典騰光燄。士子文章寶氣生。進祿加官宜仕宦。豐財厚利稱經營。身懷六甲當生貴。公訟堪

曰 諸審問時一切謀斷皆得  
意。老人問壽。壽千春。佳兆。

書破碎 凶

占 此兆狼藉破敗。夢之諸  
事不宜。病人死。訟大戲。

○○○經卷類

周易

貞吉  
否凶

占 觀變於陰陽而立卦。發揮於剛柔而生爻。是經也。  
有吉凶消長之理。進退存亡之道。學易可以寡過。

曰

故孔子韋編三絕。夢讀之者。積善有慶。積

惡有殃。君子遇難得免。小人行險必亡。  
王勃書讀易夜夢若有告者曰。易有太極。子

吞易三爻

虞翻初立易注。奏上曰。臣聞六經之始。莫大陰陽。  
是以伏羲仰天懸象而造八卦。觀變驗六爻。為六

十四。以通神明。以類萬物。臣高祖父故零陵太守  
尤。少治孟氏易。曾祖父故平輿令成。續述其業。至  
臣祖父鳳。爲之最密。臣先考故日南太守訓。受本  
於鳳。最有舊書。世傳其業。至臣五世。前人通講。多  
玩章句。雖有秘說。於經疏闊。臣生遇世。長於軍  
旅。習經於枹鼓之間。講論於戎馬之上。蒙先師之  
說。依經立注。又臣郡吏陳桃。夢臣與道士相遇。放  
髮披鹿裘。布易六爻。燒其三。以飲臣。臣乞盡吞之。  
道士言。易道在天。三爻足矣。豈臣受命。應當知經。  
所覽諸家解。不離流俗。義有不當。實輒悉改。定以  
就其正。孔子曰。乾元用九。而天下治。聖人南面。蓋  
取諸離。斯誠天子所宜協陰陽。致麟鳳之道矣。謹  
正書副上。  
惟不罪戾。

坤乾

吉

占

孔子之宋。得坤乾焉。坤乾者。商湯所著之書也。而  
今失其傳矣。夢兆與周易同。有地天交泰之象。凡  
事皆吉。而  
求名大利。

毛詩

貞吉  
否凶

占 詩本人情該物理。夢之者。事理通達。心氣和平。

日 事親為孝子。事君為忠臣。吉凶禍福。各以類應。此過隙也。吾生於角。徵還於角。為第八宮。吾之甚厄也。予自謂守遷舍人。木還角足矣。其年以疾終。年五十。

周南召南 吉

占 周南始關雎。召南始鵲巢。夢之者。主有婚姻嫁娶之事。配偶賢能。室家和樂。子孫衆多。乃禎祥佳瑞也。

二雅 大吉

占 小雅始鹿鳴。大雅始文王。夢此主明良會合。斯道大行。文成武就。顯親揚名。

商頌周頌魯頌

占 三頌所以祭宗廟。稱功德。致孝享。格神明。夢之者。  
得助祭。或遣祭。或主祭。或分獻。歲時舉事。樂奏禮  
日 成之象。

尚書 吉

占 二帝三王之書。今有壁經之名。夢此得遇機。  
日 會。凡事光亨。仕宦應作。是官。士人應業。是經。

禹貢 吉

占 此地平天成之績。國泰民安之效。夢此書者。將補  
日 建功立業。士民置產成家。在野者太平樂利。在朝  
者富貴榮華。

洪範九疇

占 此箕子歸周。作此以陳武王也。九疇與八卦相  
日 為表裏。夢此者。上知天道。中知人情。下知物理。

春秋 吉

占 孔子因魯史以脩春秋。嚴一字之褒貶。夢此經者。必能主持世教。公天下之是非。

禮記 大吉

占 經禮三百。曲禮三千。為立身之大本。夢此者。品類詳明。而能辨上下尊卑之等。德性堅定。而不失其撓撻。奪之紛。居鄉為大賓。在朝為宗伯。

樂記 大吉

占 樂所以事神人。和上下。夢樂記者。主有宴享。朝會祭祀。慶賀。婚姻等事。居家主和樂之美。居官主調。占 氏。

周禮 吉

周公制禮。所以辨上下。定民志。夢此者。三綱必正。九法必明。因而盡心以求上達。則無所不周矣。

孝經 大吉

孝經有和順章。統論天下之孝。變處者生。是此也。  
賢為臣。移孝作忠。為子。因親錫類。著美書。陸家。  
日百世者也。

### 大戴禮 吉

占漢儒紀戴之書也。禮者。天理之節文。人事之儀則。  
日天人感應。夢此主得貴子。晝生似父。夜生似母。  
可比老彭。

### 小戴禮

宋南字公序。開封雍丘人。父杞。嘗為九江縣。與王  
妻鍾氏。講於廬。臯鍾夢道士授以書。曰。以鍾。爾子。  
視之。小戴禮也。已而南生。他日見許真君像。即夢  
中見者。用天聖二年。舉開封禮部。皆第一。歷官  
知政事。

### 先聖授六經



占 學者夢此。天以佐其才也。博學深造者夢此。

日 大以祐其德也。無學而夢之。天將啓其蒙也。  
齊季釗字寶鼎。渤海人。爲六經疏倒。多發已意。釗  
嬰疾。夜夢孔子。忿其廣爲疏倒。擊而捶之。既寤。其  
疎倒被焚。  
尋而病愈。  
黃澤嘗夢見夫子。以爲適然。而屢夢見之。最後乃  
夢夫子手授所授六經。字畫如新。因是感發。得六  
經疑義。以  
示學者。

○○○史傳類

三墳五典之書 吉

占 智士夢此。必得秘傳之妙。常人夢此。必有  
起家之術。婦人夢此。可作女中之學士。

國史 貞吉 否凶

占 編年記事之書也。高才貴宦夢之。爲當朝修史之  
兆。爲善者夢之。百世流芳。爲惡者夢之。萬年遺臭。

列傳吉

占

凡夢之者。必有所得。或得文才。或得名利。或得良友。或得賢嗣。或得成家立身之道。

吳奎將舉賢良。夢帝問羣臣優劣。以韓延壽對。奎門下抄書吏楊開。夢奎讀楊開傳。翌日告奎。奎

覽二傳及試六論。有一題乃韓延壽楊開傳。就優。時奎果中首選。

宋祁父玘。夢一偉人。遣文選一部而生。祁故小名選郎。

○○○佛老類

佛法吉

占

佛法自漢入中國。前人未有佛之者。兼金四十二章經。勸善戒惡一法也。夢此者。得佛力普度。

佛菩提阿羅漢誦經說偈

凡夢此者。釋迦牟尼托此夢。以普度眾生也。信受奉持。則消禍解。自是受福無量。○南無雨字有

誰知口說南無心自痴夢中得  
遇引提佛奉勸存心信受持

# 金剛經 吉

隋杜之亮為漢王諷府參軍後諷於并州舉兵反敗諷與係屬皆繫獄諷惶懼日夜涕泣忽夢一僧曰汝但念金剛經即此厄可度至曉取經專誦念及主者並引就戮諷身在其中唱名無諷既刑主者坐罰俄而會赦得免後為黃州刺史

# 觀音經 吉

王玄謨國滑臺軍敗將見殺夢人告之曰念觀音經千遍則免既覺誦之得千遍明日將刑誦之不報忽官將傳呼停刑

憐處暗病目夢觀音授偈令每旦咒水七遍或四十丸遍用以洗眼處暗旋授而愈惡症記憶如生誦之不踰時平愈其偈曰救苦觀世音救我大受驚賜我大方便滅我惡毒養我寶切諸佛慈無所不

罪惡出我眼室中。使君親物尤。我今記是  
偶。洗眼識罪。昔放神光。明願親後抄。

彌陀經

占 西方大聖號彌陀。留下經文渡愛河。四色花中  
寶相。七珍池裏湧金波。學人夢此文生彩。商旅  
來。貝積珂。惟有病人爲。不吉。夕陽西下。奈將何。

梁皇懺

占 梁皇懺法解冤懺。却后乘茲勝妙。蠲脫却蟒蛇。云  
惡趣得生。初利九重天。病人夢此災殃散。官訟  
之刑罰。士子未遭商。失利。抵宜靜守。莫爭先。

血盆經

占 大目健連。禮血盆。恨酬罔極。母恩深。正人夢此。餘慶  
安。士占來。是禍淫。商賈因之。當大獲。家庭不  
害。足千金。若人未有承。祇脫一載之中。產寧馨。

聖經 吉

占 此乾兌貝寫番經法說真空法更真。此兆錢財虛內實百斤圖望屈中伸。

聖經 吉

占 此兆主益智慧達財。遇喜無不吉利也。

金字經 吉

占 金黃金也。經是佛說主金山不易之象。夢之者概期無失約往來遇信人。或有阻於婚事者必得弄合。債負欠羈者必得償還。

朱字經

占 朱正色也。夢之當有喜慶臨門。士子脫白。掛綠之象。春夏不宜夢此。恐有火燭之虞。

準提呪 吉

占 準提菩薩大慈悲。提掣衆生信不移。夢裏若能持此呪。相達定得貴。人提家庭百事憂。成喜人皆願。圖合不離更在。護身修。已德方能全美。印仙機。

大悲呪

占 陀羅尼是大悲心。一念專持密法音。此光定知達貴客。田禾久旱得甘露。官非獄訟應消散。貿易生涯積萬金。只有病人防不起。大悲兩字豈宜候。

楞嚴經呪 吉

占 摩登御女。攝阿難。佛頂光中寶相。完密語宣揚。神鬼伏。擎山持杵。夜叉寒。若人夢裏能持誦。邪祟消磨不復干。宵小潛藏皆遠遷。家門雍睦笑聲歡。

心經

占 菩薩洪名觀自在。觀空互。尊證心經。六塵無處。客他染恐怖。何能念裏生。此夢財源爲未得。求名磨。

曰舉亦難成九流僧道逢  
斯夢術業通時法事亨  
又心經云遠離顛倒夢想究竟涅槃  
占若人求道心切得此夢必能悟人

### 藥師經 吉

占夢裏持經禮藥師消災延壽獲天禧家已散無  
凶慮提撥相交有故知病遇良醫隨手愈藥逢靈  
日艸果稱奇占來若遇軒  
岐業國手神聲海內馳

### 孔雀經 吉

占經宜孔雀大明王夢得佳徵福壽長進喜蒙恩  
貴子傳家事業更隆昌田園增擴盈千頃金身  
口藏足萬箱尤在斯人恒  
積德佇看家出紫微郎

### 地藏經

占幽冥教主地中王金口宣揚意味長夢裏忽來  
可異須防人眷有災傷倘能修德在仁義好善

日 來未可量。三載之中須報應。不期掘地有埋藏。

道經 貞吉 否凶

占 道教皆從老子來。而得道者寡矣。凡夢此者。天神以此省之也。因而自省其身。則諸禍自解。其迷而不悟者。似吉而實凶。

日 江南校書周延翰。性好道。頗修服餌之事。嘗夢神人以一卷書授之。若道經然。其文皆七字為句。唯記其末句云。紫髯之畔有丹砂。翰寤而自喜。以爲必得丹砂之效。然翰有一婢名丹砂。未遣。後竟無所得。以疾卒。夢意似有徵云。

仙經 吉

占 辟穀導引。却病延年之書也。夢此主消除俗念。排遣世情。心恬意適。氣爽神清。有夢此而得老壽者。有夢此而成仙道者。有夢此而白日飛昇者。



傳宗自晉王即位。幼而多能。勳不暇。暮。丁父憂。人  
以基經三卷。焚而使吞之。及覺。命待詔觀基。凡所  
指畫。皆出  
人意表。

### 玉皇經 貞吉

占 金闕宣揚清虛境界。所說之經也。夢之者。宜于  
脩高隱。不宜逐利市人。宜于空拳九流僧道。終  
日 不宜齋資。將本之家。  
病。宜靜養。訟。惟聽天。

### 朝天懺 貞吉

占 朝天。即見君之徵也。文人主有人。侍天顏。庶人  
宜謹身。脩德。悔過。遷善。以俟天之錫賚。病人夢此  
日 不利。蓋有  
歸天之兆。

### 清淨經 吉言

占 天主清淨地。主寧靜之應。光定玄冥。虛無最利。求  
各士。博學還俗。見利。從事業。金湯無改。革壽源。堪

目 遠永餘齡。安樂永。不。斯光。筆穎生光。思。雲。

三元經 貞吉

占 寶誥三元三品。文人光此佳徵。江湖商賈獲平。遊學仕途俱稱。○病者宜禳善願。祈男定得。在火積德與脩身。蟄蟄益斯衍慶。

文昌經 貞吉

占 九天司祿號文昌。金口宣傳秘寶。莫若使世人。入夢文人定主。姓名名揚。○官爵顯。美流芳。經。日 利足千箱。災消福集。餘慶。訟得清官。病得康。

南北二斗經 貞吉 否凶

占 南斗注生北注死。夢中兆此謾推詳。老人益壽。餘祿。少者逢之主喪亡。春夏生涯東去好。秋冬。日 利在西方。文人得此為。佳兆。慎密行藏。大吉昌。

竈王經

貞吉 否凶

占 司命之神所宣真誥不遺警戒世人若夢此當脩身謹行自當獲福不然便有奇禍至也

○○○詩詞類

命題屬文 吉

占 夢神人命題者天意所在也因而屬文者學刀所及也凡夢此者譽顯當時名揚後世

司馬相如將獻賦而未知所為夢一黃衣翁謂之曰可為大人賦言神仙之事賦成以獻帝大嘉賞賜錦四下

白玉樓記

唐李賀夢人持版告曰天帝白玉樓成請君為記寤以語其母不久有烟氣起而薨卒後其母夢賀曰上帝近遷都丹國建白瑤宮召為新宮記又作靈虛殿樓臺遊樂堂

靈槎賦

馬希先懷遠人。舉鄉貢進士。前一夕夢靈槎賦。及入試。果然。

祭春牛文

元豐六年十一月二十七日。蘇文忠賦。夢數吏持一幅紙。上題云。請祭春牛文。乃書云。二陽既至。庶草符萌。爰出土牛。以戒農事。衣被丹青之好。本出塗泥。成毀須臾之間。誰爲慍喜。

曉寒歌

蕭貫少時。夢至一宮殿。華女如神仙。一人授紙云。此行波雙。煩賦曉寒歌。授筆立成。云。十二寒關。轉霏紅玉。百刻香殘。頌蓮燭。五龍吐水。浸寒葉。紅綃佩魚。無左璫。兩兩懸足。瞻扶桑。紅萍半規。出波面。回首風樓。九霞綯。鳴鞘遠從天上來。大劍高冠。滿前殿。仙曰。子詩甚奇。語異。日必貴。祥符中。登蔡齊榜進士。

召書碑石

陳留蔡少霞爲兗州泗水丞，一日沿溪獨行，忽得  
美蔭，因憩焉，不覺成寐。夢中爲褐衣鹿幘人召去，  
經歷門堂，見玉人命以領事，卽引至石碑之側。令  
書其碑云：蒼龍溪新宮銘。紫陽真人山玄卿撰。書  
畢，因覽讀之，忽焉遂寤，猶能記憶其略云：昔乘魚  
車，今履雲端，觸空仰塗，綺輅輪囷。末題曰：瓦雲閣  
吏蔡少霞書。

輓歌

沈亞之夢爲秦公幼女，用玉嬌公主死，作輓歌。處  
教曰：泣葬一枝紅，生同死不同。金釵墜芳簪，香綉  
滿春風。舊日聞簫處，高樓明月  
中。梨花寒食夜，深閉翠微宮。  
細令謂沈亞之云：吾友王生元和初，夢遊吳，侍吳  
王。聞軍中出聲鳴笳，吹簫擊鼓，言葬西施。王悲，傳  
召門客作輓歌詞。生應教爲詞曰：西望吳王闕，雲  
書鳳字牌。連江起珠帳，擇地葬金釵。瀟路紅心草，

三層碧玉障。春風無處所。悽悽恨不勝懷。王甚嘉之。寤能記其事。

作墓志

太和初。沈亞之往別。出長安城。客秦泉邸舍。夢秦穆公曰。寡人有愛女。與大夫備酒掃後二年。公主忽卒。公追傷不已。使亞之作墓志。獨憶其銘曰。白楊風哭兮。石甃髣髴莎。雜英滿地兮。春色烟加。朱愁粉瘦兮。不生綺羅。思之埋土兮。其恨如何。

賦詩爲贈

盧元明字幼章。與穎川王綏友善。忽夢綏攜酒言別。賦詩爲贈。及明憶其詩。有十字云。自茲一去後。朝市不復遊。元明嘆曰。綏性不狎俗。旅寄人間。乃今有夢。又復如此。必有他故。經三日。果聞綏爲亂。兵所害。尋其亡日。則是夢詩之夜。

作新詩

蘇軾在黃州夢參寥誦所作新詩云寒食清明節  
過了石泉槐火一時新曰火固新矣泉何故新荅  
曰俗以清明日  
淘井非新泉乎

### 人授樂曲

蜀節度使王偉義有女許適荆南高從誨之子性  
聰敏善彈琵琶嘗夢人授樂曲所授之人其狀或  
道或俗其衣或紫或黃有一夕而傳數曲有一聽  
而便記者其聲清越與常調異似仙家紫芝之類  
既適高氏數年而亡  
咸以爲謫墜之人云

### 教爲詩

胡生以釘鉸爲業居近白蘋洲旁有古墳每暮  
必食之忽夢一人謂曰吾姓柳平生善爲詩  
若感子食茗之惠無以爲報故教子爲詩  
不能柳強之曰但率意言之當有致矣生  
詩焉時人謂之胡釘  
鉸詩柳當是柳渾

誦詩

宋狄遵度好爲古文尤嗜杜甫詩嘗讀其集一夕夢見前誦世所未見詩及覺後記十餘字遵度卒成之是爲佳城篇

紹興乙卯新城吳中赴鄉試其兄在家夢中歸自云經義中用神聖有作句大愜意其兄志之壁間及中式歸兄問以經義中曾作神聖有作語否中云有之然未嘗示人兄何以知兄語以夢引觀壁間字相與歎異

人授詩

許叔微少嘗以登科爲禱一夕夢神告曰汝欲登科須憑陰德叔微自念家貧無力惟醫乃可於是精意方書久乃通人無高下悉急赴之既而所活愈多聲名益著復夢人授以詩曰藥有陰功陳樓間處堂上呼盧喝六作五是年登第六名進士第上一名陳祖言下一名樓材及注開用井甲恩如



第五名授職官以歸與  
詩中之言無一字差

### 鼓琴歌詩

趙武靈王夢處女鼓琴而歌詩曰美人焚焚兮願  
若若之榮命乎命乎曾無我意異日王飲酒樂飲  
言所夢想見其狀吳賈聞之因夫人而內其  
女姓贏孟姚也孟姚甚有寵於王是爲惠后

### 踏陽春曲

邢鳳之子夢一婦人歌踏陽春曲曰陽春人間二  
月雨和塵陽春踏盡秋風起愁盡人間白髮人

### 回文詩

東坡自叙曰大雪初晴夢人以雪水烹茶使美人  
歌以飲余夢中爲作回文詩覺而記一句云龍點  
茶花坐碧衫意用  
飛燕唾花故事也

### 吟咏

占 夢中雖自其口出而神使之也。天之所以露其機也。故有以異於平日之所撰而為事物之識。

日 擗備天聖中為長溪令。忽夢作詩云。月俸殊錢數甚微。不知從宦幾時歸。東吳一片輕波在。欲問何人買釣磯。意甚異之。明道視為華亭令。丁內艱。遂遇吳中樂其土風。乃效白樂天作我愛姑蘇好。寸章因卜居焉。始悟前夢中語為有徵。

昇天詩

李賀夢中作昇天詩云。老兔寒蟾泣天色。雲樓半開壁斜白。玉輪乾露濕圓光。鸞佩相逢桂香陌。

湘靈鼓瑟詩

錢起夢中得句云。曲終人不見。江上數峰青。寤而不知所謂。及廷試以湘靈鼓瑟命題。詩成無佳結語。忽憶夢中二句遂用之。因得第一。內批二語若有神助。

梅花詩

少保干識於景泰四年正月十九日夢作梅花詩云。水邊籬下兩三枝。冷艷寒香祇自知。看盡春風齊結子。謾羹還有倩人時。及天順復辟干被逮後追謚肅愍。

花月詩

貞吉 否凶

占 花月情詞景況之不顯正也。兆此主有幽暗中小人謀害須慎其行。藏戒其言語庶可挽禍為福不然當有災眚。

來自女人也。

李太白詩

太白乃天上謫仙其詩詞豪宕之氣自非人工雕琢今夢之者凡事不可強為自有一段清高貴貴之處士子文章日進藻思如流經商財利日增運通八表若將欲涉川泛海不宜夢此恐有失足墮水之害。

杜子美詩 吉

占 子美乃峨嵋逋品正部仙才其清聲雅韻迥出塵塵夢其詩篇豈為庸下之子舉莠當為魁首仕宦

日 超擢詞林雖商賈之流亦無任不利

律詩 貞吉

律法律也詩之作體製度嚴整不得絲毫紊亂如國之以律法治人不使少有踰越也若有此兆當愈加謹慎非禮之事莫行非法之言莫出非義之財莫求非正之門莫入如是則士得名商得利一應皆吉也

絕句詩 貞吉

絕截也作詩之法一氣呵成截然而無牽掣之意則詩之風韻自見人若夢此當勇于為害護身條日行則福自然致矣

七步詩

占 七步詩乃子建之詩也。七步成詩。快據之兆。主財利易得。功名蚤成。圖謀速就。行人便歸。音信在通。日 孕生男。惟病不吉。

### 五噫歌 貞吉

占 五噫歌乃梁鴻不遇慨歎之詞也。夢得此兆。百事憂煎。然在人之守正。則名可成。利可就。如未娶者。日 當有賢妻。

### 除夕詩 貞吉

占 除者除舊布新也。托詩比意者。寫其景况也。夢此者。主氣象更新。門閭改觀。亦必在人去其舊。樂得日 習。方叶此兆。而得嘉慶也。

### 元旦詩 吉

占 元旦詩乃叙其一元正始。斗柄東旋。萬物從新。光乍展。凡夢得此兆者。大為佳瑞。士得名。農大獲。詩詞。

日 工商等輩

無不為美

壽詩

占 壽詩為源深流長之兆。然必味其詩中語意定之吉凶可也。

新婚詩

占 此兆主士子登科。名利兩得。亦必詳其詩中美惡通變之可耳。

早朝詩 大吉

占 絳幘雞人報曉。尚衣方進雲裘。早朝僊句勝瀛洲。夢裏相通豈偶。士子功名蚤就。英才譽蜚皇州。庶人百事巧機投。運似三春花柳。

歌謠

占 此兆大抵吉凶相半。看其夢中語意定之。

夢說 吉

占 凡夢此者。當有喜  
事至。歡聲動也。

〇〇〇字畫類

古體篆書 吉

占 上古結繩而治。後世聖人易之以書契。乃有鳥跡  
篆文。夢得此書。主心竅開通。才思勃發。榮華稱其  
身。福祿遂其志。大吉之兆。

唐韓愈夢人以丹篆一卷與之。旁有  
一人。撫掌而笑。後見孟郊。乃撫掌笑者。  
王九夢老人教以篆書符籙。嘗為玄道歌。言脩煉  
之要。太宗召赴闕。賜道服。賜名趙自然。遣還。真宗  
召賜  
紫衣。

隸書 吉

篆書

卷二十一 字畫

夢

夢占

占 古者詩用蝌蚪。秦以篆易之。主漢而改作隸書。與今所書相似。夢隸書者。其體簡易。其義明白。接人待物之間。不疾不徐。一了百當。

### 草書行書

占 自唐以後。書札往來。字畫多從簡易。筆法放縱。不謹。得成草書行書之名。凡夢此者。似吉而反凶。似凶而反吉。當以時事推之。而後弗惑。

蜀宗王少卿孟德崇燕王貽鞠之子也。自恃貴族。脫略傲誕。嘗太廟行香。滿妓而往。一夕夢一老人責之。且取案上筆。叱令開手大書九十字。而覺。翌日與賓客話及此事。自言老人責我。是惜我也。書九十字。賜我壽至九十字也。客有封璉戲之。曰。九十字。得非行書卒字乎。不旬日果卒。

### 楷書真字

占 凡夢此者。其象因人而施。其兆即物而見。其文深。其義隱。或占其音。或占其體。後皆有驗。



一木破天

王敦夢一木破天。占曰。此是未字。未可動耳。

西土无中人

晉謝湛夢人拜。自稱翼仲舒求葬。覺思之曰。字合西土无中人也。乃取葬之。復夢其人來謝。

昆脚皆頭

杜牧於宰執求代。不遂。夢人曰。辭春不及秋。昆脚與皆頭。果得比部員外尚書郎。

田頭田尾

曾崇範之妻。先許聘數人。每至親迎之夕。其夫輒死。一夕夢人謂曰。田頭有鹿角。田尾有日炙。乃汝夫也。及嫁。曾方悟此夢。

角斗非真

北齊褚士達夢人倚戶授其詩曰。九升八合。聚角斗定非真。醒却津中水。將留何處人。寤以告國。國謂解律待我不實也。時祖延嘗得罪于解律。害光。因是謀害光。

不成不平

一儒生至九仙廟祈夢。夢中一人語曰。成不成。咸平不成。平。清水橋邊。乃見分明。此生久不遇。每憶此夢。然卒不知所謂也。一日過一橋。上題曰。清水橋。生訝焉。頃之。有一老父至。生乃述所夢以問之。父曰。生今年得矣。咸不成。咸。戊字也。平不成。平。午字也。今年戊午。將無徵乎。已而果然。

片犬

梁顯進選前十月。夢人賜犬肉一片。顯不悅。以問術者。曰。片犬。狀字也。果為狀元。

火山軍

有堂吏夢火山軍姓劉人  
作狀元明年狀元劉燭

### 車中猴

謝小娥初嫁大賈任華其父升與華往長沙。娥忽  
夢父泣謂曰。我與汝夫湖中遇盜殺我者車中猴。  
東門草。又夢夫曰。殺我者禾中走。一日夫驚寤。開  
遍諸烟。莫能曉。隴西李公佐占曰。殺汝父者申蘭。  
殺汝夫者申春也。猴申生也。車去兩頭爲申字。門  
東草爲蘭字。禾中走者穿田也。亦申字。一日加夫  
爲春字。娥訪之。乃名盜亡命者。即詭易男服。泛江  
湖間。於江州獨樹浦申村中。見申蘭兄弟。因求僱  
餘年。無知其非丈夫者。伺二盜飲醉。娥奔告刺史  
張錫。擒獲蘭春。就法。娥乃從釋教。法名曰妙寂。

### 弓與不得

引輿。漳州人。乾道四年冬。偕鄉里六七人赴省試。  
過宜春。謁仰山祠。祈夢。輿夢至官府。見柱揭紙一  
片。書引輿不得四字。但不字稍聯接上下。而中乃  
空。既覺。殊不樂。自謂必下第。及入試。輿中選。同新

夢者盡點始以語人謂夢不驗好事者曰不字斷乃一个也神言弓與一个得耳

高何二姓

都太僕穆初習舉子業尤攻古文托閩人黃體忠代祈九仙夢夢神謂曰高嵯峨在何處後以古學受知於新昌何巡撫錫乃為推轂於莆田林督學壩遂應南都試中弘治乙卯舉人而本房則高學諭士達始悟高與何二姓為應所夢云

兩人夾木

一婦居室夫久客未還一夕婦夢巨木兩人夾之卜者曰兩人夾木非來字乎汝婿目下當歸已而果然

木傍人立

昔一仕宦連夕夢站在木邊術士占之曰人傍木休字也不久果罷職

占 人傍水邊休字。只宜退守林泉。功名科祿聽乎天。且勿孜孜。孜孜眷戀。○病者恐防就木。官非且喜消。日 行藏進退漫周旋。造化循環自轉。

笠飄水畔

占 一人夢藉笠風吹溪邊。占者曰。笠飄水畔。泣字無疑。果有父母喪亡之變。日 笠飄水畔。若浮鷗出。岫。閉雲。不繫舟。此兆分明。逃世容。祇宜高隱在林丘。

火入林中

占 一人夢火入林中。不久為鄰舍延。及祝融之焰。始悟前夢一焚字也。此兆若在春月夢之。為應時之。墓主家道豐隆。人占 物繁夥。只要自己小心謹慎。為大吉之占也。若在日 秋冬夢之。為失時之夢。恐有火燭之驚。百凡謀望不遂。

靴匠倚石

一木兩火

一人夢靴匠倚石。不知何意。占者曰。靴匠乃皮工也。皮傍石。破字也。不久家計蕭條。人口零落耗散。

三女同居

一士夢一樹端兩焰並發。占者曰。木兩火。榮耀之光。果得登第貴顯。

虎腹三枝箭

一人夢三女同室。後有私姦事敗露。  
昔有因姦致死者。株連頗衆而不能決。主讞者夜夢一虎腹中三矢。明日閱案牘中諸犯有名處者。一訊即服。

一水四魚

一人幼時常夢沼中四魚。占者曰。一水四魚。鯢字也。是人至老孤獨。

人騎牛背

一人夢慎牛背。占曰。人在牛背。失字也。復不騎其啓閉。果遭失脫之憂。

人言犬吠

一人夢一人言一犬吠。術士曰。人言犬吠。乃獄字也。是人果遭獄囚之繫。

一斗入門

一人夢一斗入門。占曰。一斗入門。開也。是日果有開殿之恐。

兩絲纏白木

一人夢兩絲纏白木。占曰。兩絲纏白木。樂字端可卜。樂亦在其中。奚必壓梁肉。

一人立門內

凡門內人。乃閃字也。人若夢之。主有不測之事。將害于已。宜及早閃避也。或我欲尋人而主他人。夢占

日閃無可踪跡。

### 鼠戴笠子

有一吏人迫于官訟。禱夢于神。夢鼠頭戴笠。既寤不解。因而再寢。夢神示曰。汝可質之某狀元。會有同所夢者。本以功名事來禱。竟無夢。吏故不知其人之姓。偶以夢中始末語之。其人特異之。乃剖示曰。鼠頭戴笠。竄字也。亟走匿爲是。某狀元。卽指是人也。後果大魁。